

萬載縣土著志卷二十三

仙釋

晉謝仲初邑人志慕道術修煉閭皂山丹成復歸故隱過縣西

見其無水拔劍刺地泉涌出甚甘卽卓劍泉也濟江無舟御

竹葉以渡卽今竹渡嘗遊紫蓋山紫雲蓋之後登謝山冉冉

飛去人名真仙嶺又曰上昇嶺有仙壇麻鞋石試劍石丹竈

煉丹井諸遺蹟井水自木根中迸出水旱禱輒應

參寺觀註  
嘉定志

按嘉定志以仲初冠仙釋未詳朝代安志謝仲初萬載人

住高安北山中

卽今謝山

次黃仁覽下敖真人上二人皆東晉

時得道者今謝山石刻尙存丁丑開山字正元帝渡江改





元建武歲也其爲晉人無疑李志列入北宋陳志以爲元人則未知元和志已列仲初名唐試南宮又以謝真人還舊山命題斷不得在唐以後矣

湯周二仙失其名俱廣南人晉安帝時湯爲靖州壽光令周爲洪州南昌令湯以晉政不綱慨然掛冠訪周相約修道卜地康樂峯頂山中道成因名湯周山今棋盤石試劍石遺迹尙存有鐫刻相傳爲紫微觀碑

參輿地紀勝

按靖州唐武德時置卽今瑞州無壽光縣晉亦無所謂靖州蓋青字之訛也壽光自漢隸北海郡屬青州

唐道一漢州什邡人姓馬氏故稱馬祖嘗修道於峯頂山山巔

有鍊魔場建上中下三塔今惟中塔存焉有泉清冽禱雨輒

應 舊寺觀叅府志

懷海名大智福建長樂王氏子依馬祖與西堂智藏南泉普願

同號入室弟子時三大士化門相角立焉創立叢林儀軌名

曰清規元和九年示寂嘗修道壽峯山

采舊寺觀注參通志補

按謝志大智列南昌仙釋內縣舊志三學院唐貞觀十年

僧大智開山又云在縣西七十里壽峯山則與馬祖之峯

頂山同在西鄉所謂依馬祖者是已第貞觀至元和年代

太遠疑縣志爲貞元之訛

黃皮二仙女未詳何許人相傳在黃皮山 名勝志作黃波嶺 修真道成



白日冲舉鄉人有禱輒應參嘉定志

按南嶽志有西漢青城山道士大微先生王谷神大素先

生皮元曜同渡荆渚泛瀟湘至南嶽修真雖未言至萬邑

然王與黃土音絕相類附參又按水經注黃皮小木也南楚多以名山一作黃巖

希運闍人幼出家黃蘗山往南昌見馬太師至則馬已示寂乃

走石門謁塔參百丈師後觀察裴休迎往龍興寺曾創光化

院於嚴田在今縣北一百里繼建院於清泉山曰延壽在今縣東北五十里又

建崇信寺在今縣治南百五十步諡斷際禪師舊寺觀注參豫章書補

按舊志斷際於咸亨元年創光化院二年創延壽院三年

創崇信寺而豫章書通志俱云大中間示寂考咸亨乃高

宗年號距宣宗大中已百七十餘年合生歿推之斷際不

減二百歲未必然也通志普賢寺注云會昌間觀察使裴

休迎黃蘗山希運禪師居此普賢即龍興也師雖迎居洪

州休旋罷或來萬載行化疑三庵之建當在會昌大中時

懷祐泉州仙遊人受業九座山陳禪師尋參石霜初居謝山復

遷棲賢終於廬山諡元悟大師采通志補

令超初住高安上藍山鍾傳帥洪州使迎焉因開元寺舊基剏

院以居仍名上藍昭宗大順庚戌正月初召大眾告曰吾本

約住十年今化事既畢當欲行矣齋畢端坐長往塔曰本空

諡真元安志真元作元貞大師采通志寺觀補



按舊志明寂院在邑北二十里地名上藍宋大中祥符五年僧澄寂開山通志佑清寺始爲開元寺大中間燬後南平王鍾傳復建上藍院以居上藍山僧令超考宋以前萬載本屬高安所云高安上藍卽邑北上藍近南平故里者令超在唐旣居是山矣安得至宋有開山事澄寂殆承令超後重興道場者歟

楊吳曾文迪雩都崇賢里人時楊筠松善青烏術世稱救貧仙人迪與劉江東師事之凡天文讖緯黃庭內景之書靡不根究而尤精地理天祐間至萬載愛西山之勝謂其徒曰死葬我於此卒如其言後其徒忽見於豫章駭而歸啟其棺無有

也著有八分歌二卷

承豫章書補

按曾氏言行約編作文迪字求己宗聖四十世孫其先都鄉侯據避新莽亂遷豫章後有分徙雩都者故文迪爲雩都人其源委頗詳而迪與迪究未敢決爲孰是又邑老相傳有袁姓者欲侵葬迪墓啟土得石刻云五百年後有土衣人來侵我墳云云謀遂寢亦與前文小異姑並識之

宋法順禪師綿州文氏子太宗時擇地至袁卓錫白楊山卽今

淨覺院

舊寺觀注

段瓌字德瑱嚴田人少遊鄉校性醇厚與物無忤遇不平事則奮臂而前建炎間寇盜充斥段族數十口被虜瓌齎金帛挺



身往贖賊義之俾偕歸紹興二十九年歲旱斗米千錢瓌發廩止取常值又日爲粥以食饑者全活甚衆後結庵謝山壁間多寫坦蕩字忽聚親舊敘別曰天帝卽召我矣一日鐘鳴歛然凌空去鄉人走視惟敝衣履存焉

嘉定志

德宏禪師姓程氏浮梁人初住木平當途者聞其道行請住萬載厯居分宜福聖崇勝二院及洪州西山宜春仰山均有禪譽遷寂於紹興二十九年著有語錄一集

采嘉定志補

僧守真住廣慧寺有道譽師仰山從悅禪師悅徒數十人守真亦其傑出云

采嘉定志補

元黃樸庵至正初遊水坑礪愛其山林清勝遂募化結庵

卽今長興

院後跌坐而逝

安志

僧自然相傳於石庵得道白日冲舉禪林至今猶存

劉原祖名漢芳西隅一圖人至正六年建陰陽齋會七朝忽有異僧持鉢古貌跣足破衲癩身氣穢難近衆皆詬罵原祖獨食以飯問亦無言惟以背抵壁若揩癢狀歛然去忽馨香滿室原祖急尾之不見視牆壁有詩云不是山僧特地來因遊南嶽反天台青衣童子多饒舌黃面瞿曇笑臉回鐵鉢滿盛貧子飯布衣難覓富家財殷勤傳與劉原祖伏虎岩前花正開旬餘原祖無病而逝殆尸解云

節舊志

黃竹關道人黃伯詳也修真建城坊道觀有八人者假盃以餐



高車東土著志卷二十三  
五  
既莫知所之他日八人與邑商邂逅襄陽以前盥付之曰歸  
語竹關當卽尋我於蓬島因忽不見客歸語黃未幾黃亦飛  
昇遂名其觀爲九仙 參寺觀注

國朝黔羸禪師洪州陳氏子脫白後聞九峯語豁然大悟順治十  
五年住北關普濟庵康熙三年遊醴陵住三峯著有三峯語  
錄次年居白楊山六年至城南三元殿說法書偈而逝 采舊寺觀注補

福宗號散庵安福歐陽氏子出家白楊工詩畫創一粟園爲精  
脩所知縣龐驥嘗造訪序其詩康熙壬寅振錫京師安福伍  
環贈以序輯禪宗總究二十八卷白楊語錄二卷 新輯

萬載縣土著志卷二十四

方技

明張錦字時萬性剛直居家嚴惟喜子弟讀書分爨時以腴產  
讓兩兄究心醫家言參酌變化隨試輒效又遇異人授秘方  
卽患蠱幾死者依方藥之無不愈亦不索償子棟有傳

伍子英幼習儒後精於醫遠近就診者應手而瘳嚴介溪稱其  
有起死回生功施藥不計利嘗募修花塘石橋邑令徐請給  
冠帶壽至九十三

晏治字正祥初業儒因母病潛心軒岐鄰近延醫輒往望色切  
脈投藥輒效大諫伍可受遷謫至縣幼子患疹衆醫罔效治



一藥卽愈卒年九十餘宋九儀爲作行狀

晉應龍性豪邁以足疾絕意仕進選照磨不往嘗客京師十餘載得異人授痘疹奇方捐貲施藥都門患痘疹者賴全活無算

郭汝泰性恬好施精陰陽家言并討究丹黃術於城南建不二庵請華嚴大藏諸品朝夕焚修其中嘗出金助修月光崇信二寺及秀江康樂竹渡諸橋年八十三卒

以上舊志

國朝宋逢聖司背人工水墨偶作禽魚走獸無不酷肖性嗜酒平時以紙素求畫雖置千金絕不吮筆及沽釀告窶爲置罍瓶修脯於旁輒劇飲醉後潑墨淋漓頃刻數十幅生氣迴出聽

人攜之去

以下新輯

李榮陶字風高高邨諸生性曠逸不以科名介意精醫理并推挈術屢起人於危與執友高某相晤見神色有異索手脈診之曰君外雖無恙然某臟已虧宜速治未幾果死府教授熊日華萍鄉令張枚皆敬禮之手錄醫家宗旨數萬言其弟榮陞見而嘆曰尙得梓行有補於世不少

周金洪字玉振西都人幼聰敏習舉子業常從教諭魯鴻游故作文有法度補弟子員旁及醫術精奇經入脈延診視者生死無不驗用藥不屑屑古方多奇效每大比赴秋闈不倦

恩賜國子監學正年八十四無疾而逝



僧球玉住持牟村西源庵性聰慧喜作書兼通儒家言嘗題寺聯云鐘希留夜月衲破補朝雲可想見其風致喜搜剔古木堯相質命形罔不酷肖亦絕技也

辛炳炎字用晦東都人英爽特達為文涉筆立就教諭魯鴻深獎異之屢試前茅卒不售年五十乃精醫其用藥多時師所不解卒應手瘳嘗有戚串至家賀歲炎授一丸命急服遲將不治其人不信翼日疔發唇死一婦孕而病延之診視定方下之立產數蛇而愈其臨症救人類如此著有醫通醫案藏於家

喻鶴松字鳴皋藏溪人少孤貧兄課之讀書夜不輟兼通醫卜星命家言既長貧益甚無以養因專於醫活人無慮數百所酬貲儲半以供母嘗有急需筒中尚餘錢若干不敢用典衣以應終母之世不少變乾隆年間縣舉醫學眾推之受冠帶卒後辛紹業為之傳

郭古號石林田下人嗜酒善畫每當拂紙濡翰時以鉅觥盛冷酒且飲且揮筆蒼意古初若了不可喜細視乃覺其妙

王定恒字久占南田人少從張琢齋學稱其文有別情年三十不售乃潛心岐黃其審脈察證用方獨具心得每歲挈貲製丸散以拯病苦壽七十終著有醫學尋源方治要典痘疹真詮色脈真詮博愛軒藥論醫案藏於家



李光宸字晉之高村人性端重敦孝友爲文非啟禎大家絕不屑意卒以是見厄精堪輿嘗曰形家執理氣說徒亂人意造化之大安能以徑寸法求之哉隨父榮陞宦遊湘湖滇黔及金齒蒼山洱海皆遍頗得山川融結大概平時論說滔滔及與人卜宅兆矜持慎重從不輕洩

郭樹芝號甘泉如岡子附貢生質樸厚重喜讀書好游覽尤嗜奕究研古今棋譜盡得其妙嘗在省垣與戴秋士對局秋士合省所推國手也下手數著戴卽起曰此江西好手遂與友善棋日進邑無能抗手者旋訪同宗大經南康署登廬阜游鹿洞放情山水者月餘鹿洞山長某以奕名招與角芝連局勝之生平慷慨多義舉嘗買產紹江價不貲後知故淨慧寺廢基爲奸人所賣遂出金建寺塑像契內田山盡施香火寺後有石平砥如棋盤之因額曰棋盤山寺

曹錫鵬裏源人習舉業不售遂潛心醫理屢著明效邑侯來孺人病久延診之曰孺人必善怒氣喘頭俯痰凝平日生冷必不節皆曰然曰此腎不藏瀾脾運失職胃陽遏抑肺液不化投以藥漸痊謝之不受曰須節飲食戒恚怒明年因婢忤復發延覆診辭曰怒則氣上又際春陽上升時不可爲也旬日逝孝廉李承烜母分娩後患寒熱卧牀難轉側少腹痛不可按醫者主化痰久不痊鵬曰脈洪而數內癰將成亟與托消



劑未效問諸醫雜進症已危延鵬取決曰脈尚和可療仍須  
托之至夜半膿血大下調理一月而愈郭太學敏猷跗腫膝  
大如斗神倦形瘁爲早晚進加減腎氣丸日中加味六君湯  
外熨洗兼施一月而效彭太學廷誼寒熱譫語加風疹或以  
肺癰治轉劇鵬爲先解外邪後滋脾胃不月愈誼自恐體弱  
不久曰無傷進還少丹尙可十年後亦驗從兄鈞謙腹脹連  
腰腎椎擊徹日夜投以理中加溫熱劑既平復矣曰未也方  
春木司令而見秋金毛瀆之脈至秋必不支幸早圖之爲立  
方不從果八月卒生平輕財重義富無禮者千金不往貧迫  
者反贈以藥資所傳外甥汪賢徒孫泰臨均以醫名

萬載縣土著志卷二十五

祥異

宋大中祥符三年秋七月江漲沒民田

采府志補

景祐三年夏大雨驟漲壞民廬官署圖籍倉廩皆滄沒

參府志

紹興四年自夏及秋大水

按舊志誤次淳熙後今更正

淳熙七年夏五月大水

按省志府志僅載分宜大水

九年夏五月不雨至秋七月旱 十年大旱

十四年夏五月旱鬻度僧牒糴米備賑

參豫章書



十五年夏六月水圯民廬

慶元六年夏五月大水自庚午至甲戌漂民廬害稼

參府志

嘉泰四年春大饑殍死不可勝瘞發常平倉賑之部使者益以

緡粟 參豫章書府志

元至元二十七年秋七月水

采豫章書補

大德七年夏五月饑

府志

延祐二年夏久雨錦水泛溢 三年夏五月饑

泰定二年夏五月饑

豫章書

至元二年饑 豫章書 五年冬十二月饑

至正二年米出石穴

邑南月臺山有數巨石穴中每旦出米少許貧者得焉一日有人先往竊取之遂不

復出 十一年夏大水 二十年春雨雪六十日

明洪武二十二年旱 三十四年夏秋大旱

永樂十年春大水

宣德九年大旱 十年又旱民饑

景泰三年冬四年春凝雪兩月餘寒甚

六年大旱斗米銀一錢

天順二年夏四月大水山崩蛟出 五年大疫

成化五年冬十二月雙虎咆哮東關外白晝噬人行旅滅跡獵

捕莫敢撻 六年春正月知縣陳聚為文禱城隍祠虎旋遁

十二年夏五六月不雨穀價騰躍互相攘奪後有監巡坐賑立



別足之法民稍甦定

十四年夏四月十六日大水雙虹橋圯 十五年民饑多盜

十六年大水給事劉蓋宅盡陷水口洲渚成川

宏治七年冬嚴寒林木枯摧人多凍死

八年夏五月不雨至于秋八月民大饑

十一年旱 采府志 十六年夏大旱民饑

正德元年夏旱秋七月大水山崩橋壞塾民廬舍早稻入於泥

三年夏大旱民饑 四年旱大饑竹生花結實如米民多採食

五年旱饑 七年夏旱民饑 八年夏旱饑

十四年仁壽坊彭顯家芝生柱礎間

十五年大水衝破城舍民居

十六年楊景忠妻周氏百歲建坊 采案補

嘉靖元年春夏大水漂沒民居龍河渡沙洲復起四月泮池雙

虹見自南竟北五日五月大水饑 省志

三年春三月雙虹復見於泮池自西竟東三日

四年秋八月縣城晝火自邑治前起勢四發西城全燼值巡撫

盛及守巡按部在邑拜禱止 五年大旱 省志

七年夏四月靜安寺產瑞芝頃刻數本各異色冬十月知縣林

署釜鳴若雷七日始息

十二年夏四月連旬陰雨谿壑漲溢衝破橋梁廬舍漂沒禾麥



人民無算有司發倉賑貸 張樂百歲建坊 采本傳補

十三年春正月初八夜儒學東廡平地火光燭天數刻乃滅

十六年春二月芝產龍國臣父墓

十九年春正月至夏五月不雨大饑斗米百錢民食樹皮盡採

蕨根爲粉充啖遂病疫饑殍滿野

二十一年夏六月建城坊民圍梨花盛開 參府志

二十三年旱大饑 省志 三十五年夏大水

三十九年春大水

萬曆四年夏五月二十四日大雨水驟漲漂廬拔舍龍河橋全壞雙虹康樂二橋衝倒其半居民渰死無數沿河一帶田禾

水推沙塞賦皆民墊

五年秋九月石隕於演武場聲如雷入土尺餘掘之指甲可破  
俄遂堅

九年雙虹橋一帶火災民居被燬無數 十年大水

十六年夏六月大水 十七年夏五月不雨大饑

十八年春大饑穀石六錢 二十年大水

按府志二十年萬載旱未詳孰是

二十一年大旱疫道殣相枕藉 二十七年春夏先水後旱

二十八年敖鳳錦百歲建坊 采本傳補

三十七年夏六月淫雨經旬二十四日大水山蛟四出官署橋



萬壽縣志卷之二十一  
四  
梁盡壞漂沒民居田地無算斗米百文荒糧益甚

四十年夏四月二十八日大水屋舍漂流民田剝壞無算驟漲民不及避溺沒以數千計

四十一年大饑 四十二年大饑穀石六錢道路攘奪

天啟元年大旱 二年夏四月大水

三年夏五月大水六月至秋七月大旱民饑南門火燬廬舍數十戶 四年大水 五年大旱禾苗盡枯斗米銀一錢

崇禎元年大旱 二年水荒

五年大旱冬十二月初二日雨黑穀可食有拾至數斗者

省志六月

六年夏四月大水六月至秋九月大旱 七年旱大寒日雷震

八年夏四月淫雨連旬驟漲壞公廨城垣陂堰及竹渡牟村諸橋水次預備兩倉粟盡糜沿河死者無數秋復旱饑殍相望

知縣韋明傑有詩紀災

九年夏四月大旱斗米一錢五月大水冲阡田地成山低窪者剝爲河民居蕩洗滄死甚衆 十年夏五月地震

十一年春正月兩日並出日下黑光磨盪凡二十餘日夏五月大水蛟出平地水深丈餘滄死人民數十口壞田產無數

十四年秋大水

十五年春地震夏五月大水漂沒人民田禾甚衆穀石八九錢

十六年大水米石一兩五錢 十七年春二月地震



國朝順治二年夏四月大水白水書堂菱蕪各鄉出蛟山崩地陷  
漂男婦蕩民居渰禾苗 三年夏五月不雨至冬十月大旱

四年春大水荒六閱月饑殍相枕藉穀石八九兩米斗一兩八  
九錢竹花結實可採食 八年大旱饑 九年大旱饑

十一年秋有蟲食禾類蠶而大每集數萬禾盡乃死臭不忍聞  
十三年夏秋大水 十五年秋蟲食禾 府志十五年萬載水

十六年夏旱 十八年夏五月大水

康熙元年夏五月大旱 二年春三月大水秋七月旱

四年夏五月大旱無禾 府志 五年夏四月大水

六年夏六月至秋七月大旱 七年春三月水夏六月旱

八年秋蝗集民居醮禳之

九年冬十一月大雪深五六尺月餘始消樹木盡折鳧飛蔽天

十年春正月夜天見火光若兩門開狀長三十餘丈闊四五尺

十一年夏六月夜有火毬墜福壽坊汪家巷著地圓轉逾時始

散氣如硫黃 十二年秋蟲食禾

十三年夏五月白水蛟出湧水數十丈石腦背潭埠三十餘里

人畜田廬盡沒 十四年夏四月天鼓大震

十六年春大水夏六月大旱

十七年春大雨連月大饑斗米一錢五分知縣吳自肅詳賑復

發銀市市汊米以貸民稍甦 十九年秋蟲食禾



二十年秋旱疫各鄉白晝虎傷人知縣常維楨以文禱城隍神  
患始息

二十一年夏五六月間每日午有青氣如鏡與日光摩盪冬十  
月火災城市鄉村不時發知縣常禱止之

二十二年春三月大水獲富嶺東黃茅石腦背各鄉出蛟渰沒  
男婦田廬秋七月大旱早禾盡枯遲稻半焦

二十四年歲大有 府志

二十五年務前下街火延燒城隍祠秋大雨雹禾穀入泥

三十年青蟲食禾 三十四年蟲食禾

五十年有江猪逆流上至潭埠土人殺之重百餘觔

五十一年夏五月潭埠火市肆民居皆燼秋七月十四日務前

下街火飛燄橫江文昌閣暨學宮東廡俱燼

五十六年冬十月知縣龐署內牡丹華

五十七年春三月大水南浦橋圯 六十年夏大旱

雍正八年夏六月嘉禾生一莖三四穗邑所在多有是年始奉

命設農官

以上本舊志

乾隆元年歲告豐 府志

是年生員張紳妻郭氏百歲未及 題

旌沒 附

九年春三月宜春慈化蛟出水溢萬載漂沒田廬斃人口知縣

嚴在昌請賑領銀二百五十餘兩秋九月雨雹 府志



二十二年龍存漢妻節孝劉氏百歲未及 題旌

采本傳附

二十三年夏六月水漂沒廬舍橋梁知縣張立中捐卹

府志

二十六年潘道明妻李氏百歲 題旌

二十九年辛金桂妻李氏百歲 題旌

三十年春三月大水荒民多搶奪

四十年秋九月蟲飛蔽天食禾幾盡民用竹銃擊之散

四十三年大旱蟲食禾

四十五年夏五月大水逆流入城湧過烏溪門

四十六年冬大疫至明年夏方息死者極多十二月朔學前文

昌閣火頭門牌樓俱燬

四十八年春二月二十日儒學後圍樟樹火標東齋上棟 周

繼德六世同居 題旌義門

四十九年旱饑 五十一年旱饑穀石錢二千餘

五十四年春正月朔夜文昌閣祥光燭天神像鬚眉畢顯

五十六年監生鮑啟仁五世同堂 旌

五十七年夏四月二十七日大水逆流入城

嘉慶元年歲大豐 三年秋大旱無晚禾多種蕎麥幸不成荒

監生楊廷興及妻高氏親見七代 旌

四年李色溥妻鄔氏百有二歲五世同堂 旌

五年秋九月二十七日雪厚三寸餘



六年夏四月大饑龍田黃茅四都等處出觀音土民取作糜秋  
八月疫

七年夏四五月大饑米石錢二千餘民舂糶作糧知縣來珩請  
緩征 職員鮑大豫妻周氏五世同堂 旌

八年生員陳鼎龍 贈奉直大夫附貢生辛樹人妻宜人胥氏  
生員郭秉毅妻高氏監生韓瑗妻諶氏俱以五世同堂 旌

九年歲告豐

十年廩生龍山妻汪氏百有二歲五世同堂生員楊名高妻盧  
氏百歲 旌

十一年夏五月痘疫多天死秋大旱 監生楊昌榮妻徐氏五  
世同堂 旌

十二年春二月黃沙蔽天三日空中有聲對面不相見室中几  
榻頃刻積寸許拂去復然秋痢疫流行上鄉死者尤眾

十三年湯介禧及妻張氏五世同堂縣丞袁廷鳳親見七代  
旌

十四年春三月農田分秧大雪耕牛有凍死者  
十五年夏五月旱 監生袁建校職員袁其邦五世同堂袁其

上妻龍氏百有二歲五世同堂 旌

十六年夏痘疫死者相望次年春月方息秋霖傷稼 龍振潛

妻鮑氏五世同堂 旌



十九年夏饑 職員辛尙勤妻袁氏五世同堂謝啟蘭妻郭氏  
一產三男 旌

二十年春疫 監生楊作棟妻高氏職員袁建序及妻孫氏五  
世同堂 旌

二十一年春二月大雪凍死耕牛斃大樟樹 監生陳道光及  
妻王氏五世同堂 旌

二十二年劉景灝及妻辛氏袁挹桂五世同堂 旌  
二十四年袁盛燻及妻郭氏監生汪邦達五世同堂 旌

二十五年春大疫夏痢疫繼起傷人甚眾黃茅左近大風發屋  
壞門合抱樹皆拔摧石牌坊二自五月不雨至秋八月大旱

道光元年春正月朔大雪連旬不止霰冰垂地秋有年 例貢  
生郭如衡親見七代附貢生王汝綏及妻歐陽氏韓錦傳及

妻歐陽氏進士陳池鳳妻辛氏監生袁廷標五世同堂 旌  
二年夏五月十一日大水高過烏溪門睥睨逆流入城西鄉大

橋一路橋多圯人畜漂流田或崩壞秋有年 職員郭定璠  
妻楊氏五世同堂 旌

三年大有年 監生周繼昌妻龍氏職員袁挹蘭妻楊氏職員  
潘厚樂妻辛氏五世同堂 旌

四年春三月十三日書堂山口白楊店龍田西江大橋各村大  
水壞田廬人口有滄斃者秋有年 監生彭英啟妻葛氏五



世同堂 旌

五年有年 歲貢唐廷璜妻李氏百歲五世同堂 旌

七年職員李思盛妻黃氏五世同堂 旌 八年夏旱

九年有年 十年春夏淫雨秋蟲食禾 是年耆民王熙恭百

有一歲 旌

十一年夏五月初七十三兩次大水頃刻丈餘倒灌入城衝塌

房屋無算沿河田盡沙壅鄉村山有崩陷者六月二十九日

六區出蛟橋梁民居多蕩沒沖失男婦三十三滄斃七口秋

青蟲食禾大饑斗米錢四百有司勸捐糶賑請撫緩緩征

十二年春正月至夏四月淫雨害稼六月七月旱八九月雨綿

延至冬繼以雪彌月不止知縣龔士範勸捐運糶 欽賜舉

人辛士晉五世同堂 旌 十三年有年

十四年秋旱 監生王芝蘭鄉飲賓王朝邦妻易氏監生林發

接妻李氏五世同堂 旌

十五年夏大旱秋霖雨傷稼斗米錢三百八月彗見西北十餘

日滅 監生易錦極妻高氏百歲五世同堂監生袁廷鳴妻

李氏五世同堂 旌

十六年夏旱 監生黃鐘五世同堂 旌

十七年有年 監生楊方清妻李氏耆民王升綬妻龍氏五世

同堂 旌



十八年春三月初七日大風邑西高村小源一帶雨雹如拳壞民居牛羊死傷甚眾 監生彭英鐸妻宋氏五世同堂 旌

十九年夏六月初五日太白晝見 例貢生胥邦俊監生劉騰高妻張氏五世同堂 旌

二十年監生張新楠妻游氏王仕顯妻劉氏王良文妻楊氏五世同堂 旌

二十一年劉章福妻周氏五世同堂 旌

二十二年有年 監生王學榭妻郭氏職員周淑仁妻李氏五世同堂 旌

二十三年有年 城隍廟戲臺鴟吻吐火節孝祠產瑞草 是年曹世桃妻彭氏百有一歲未及 題旌 附

二十四年夏五月大水城內及楮樹潭倒塌民居店房無數 汪朝邦妻易氏百歲五世同堂郭功煥百有一歲 旌

二十六年夏自閏五月不雨至秋七月善戶運米平糶饑而不害 例貢生彭英悅妻李氏百歲五世同堂監生郭聯漢妻

辛氏百歲監生韓科翔五世同堂 旌

二十七年春旱夏自五月不雨至秋九月知縣劉恒泰勸商運糶邑以無饑

二十八年夏五月初七日大水平地丈餘較十一年高三尺沖塌民廬市廛無數秋蟲食禾 職員袁廷麟親見七代生員



張榜妻辛氏生員宋應奎妾趙氏五世同堂現在請 旌

附載未 旌五世同堂名氏

耆民徐步矩 監生楊捷 例貢生郭沛霖及妻龍氏

誥贈通議大夫生員辛又曾妻淑人郭氏 生員陳球妻張氏

職員喻五都妻李氏 高鑽馨妻黃氏 鮑權韶妻汪氏

附貢聞之詠妻曹氏 監生喻善和妻胡氏 歐陽儒楷妻

韓氏 聞有涵妻龍氏 貢生楊應彬妻彭氏

補遺

道光六年監生郭秉謙及妻錢氏五世同堂 旌

道光二十五年辛樹青妻譚氏五世同堂現在請 旌

萬載縣志卷二十六

祠廟

聖廟舊在治東雙虹橋西宋崇寧間知縣事李存移建橋東南

乾道元年洪綸遷之古寺廟廢為官舍淳熙五年祝勛仍復

舊所後任王撰陳雄錢邁相繼修葺元至元至順間邑紳黃

璧捐修三次明初知縣趙中因址重建洪武七年知縣賈志

通正統丁卯李燦成化戊子陳璨迭次繕完丙午知縣黃珙

拓新之建奎文閣嘉靖間署縣推官郭諫臣萬曆二年徐令

一唯踵葺厥後毀廡屢壞知府鄭惇典通志誤知縣陳王庭

倫應祥姚繼舜各有營繕崇禎壬申知縣韋明傑修



國朝順治丙申教諭黃恢宏葺邑士郭萬象捐金五百有奇康熙甲辰守道施閏章知府李芳春知縣范廷鳳捐修甲寅冬棚寇掠城廟燬已未知縣常維楨捐貲重修厥後何錫命龐驥施昭庭先後改建正殿兩廡戟門雍正乙巳署縣譚獻策修乾隆癸酉遷建西偏爽塏邑士高嶸捐金六百王家塾黃央中各捐四百為倡知縣朱崧張立中學官魯鴻藍世松董其成嘉慶辛酉知縣來珩率紳士辛炳昭重修道光辛丑知縣韓彥章率紳士郭光笏汪茂楠林鳳章郭功晟等勸捐督工凡正殿牌樓戟門櫺星門東西兩廡泮池左右牌坊俱拆舊鼎新之殿易黃瓦石柱露臺加石欄其各祠及圍牆明倫堂學署一律修整加丹雘焉

大成殿歲春秋仲月上丁致祭幣一牛一羊一豕一爵三登一  
銅二簋二盞二邊八豆八

祭文

維

先師德隆千聖道冠百王揭日月以常行自生民所未有屬文教

昌明之會正禮節樂和之時辟雍鐘鼓咸恪薦夫馨香泮水

膠庠益致嚴於籩豆茲當春秋仲祗率彝章肅展微忱聿將祀

典以復聖顏子 宗聖曾子 述聖子思子 亞聖孟子

配



樂章

大哉

孔子先覺先知與天地參萬世之師祥徵麟紱韻答金絲日月既

揭乾坤清夷

迎神咸平

予懷明德玉振金聲生民未有展也大成俎豆千古春秋上

丁清酒既載其香始升

初獻寧平

式禮莫愆升堂再獻響協鼓鏞誠孚巽獻肅肅雍雍譽髦斯

彥禮陶樂淑相觀而善

亞獻安平

自古在昔先民有作皮弁祭菜於論思樂惟天牖民惟聖時

若彝倫攸敘至今木鐸

終獻景平

先師有言祭則受福四海蠻宮疇敢不肅禮成告徹毋疏毋瀆樂

所自生中原有菽

徹饌咸平

鳧繹我我洙泗洋洋景行行止流澤無疆聿昭祀事祀事孔

明化被蒸民育我膠庠

送神咸平

東西四配各幣一羊一豕一爵三登一釶二簠一簋一邊六

豆六

東西二序各幣一羊一豕一爵釶簠簋各一邊豆各四

東西兩廡各幣一羊二豕二餘品如式

崇聖祠舊名啟聖明嘉靖庚寅勅建在奎文閣後久廢

國朝雍正元年改今名五年程令元度捐建明倫堂右嘉慶辛



西邑人郭吉捐銀四百陳邦梅捐一百六十兩倡修歲春秋  
仲上丁致祭

先代五王各幣一羊一豕一餘品如式

祭文

維

王奕葉鍾祥光開聖緒盛德之後積久彌昌凡聲教所覃敷率

循源而溯本宜肅明禋之典用申守土之忱茲屆仲春秋率修

祀典以 先賢顏氏 先賢曾氏 先賢孔氏 先賢孟孫

氏配

東西四配二筵各幣一羊一豕一餘如式

兩廡各幣一羊一豕一餘如式

祭器

木祝版二 木俎二十 木豆二百四十六 木饌盒十六

木燭臺一百八 木高照四十六 木牲盆十八 竹邊

二百四十六 磁鼎十六 磁彝一 磁香鑪十六 磁登

三 磁劍二十二 磁簠六十一 磁簋六十一 磁尊八

磁罍尊八 磁爵五十四 磁毛血楪十六 毛血銅盆

二 銅勺八 錫茅沙池二 錫盥盆二 盥盆木架二

帛篚盒十八 供桌六 綢幕幃八 綢桌幃十八 緞織

一 鐵燔鑪一 鐵燎鑪八 鐵燎叉四



祭品

幣 檀香 降香 兜香 速香 柏香 木油 白蠟

牛羊豕鹿兔鮮魚鱸魚韭菹菁菹芹

菹 筍菹 棗 栗 榛 芡 白黑餅 黍 稷 稻

梁 形鹽 醬 醋 清油 糝料 蜜 麩 茴香 酒

樂器

鐵鐘一 銅鐘十六 大鼓一 楹鼓一 應鼓一 鼗鼓

一 搏拊一 琴六 瑟二 笙六 龍笛六 鳳簫二

洞簫二 象簡六 塤二 篴二 柷一 敔一 石磬十

六 麾幡二 羽毛一百四十 籥四十八 篳四十八

千二 戚二 旌節二

名宦祠在戟門左春秋仲上丁附祭

宋知縣事徐昇祝勛王俱林景達冷應徵明知縣趙中賈志

通東清舒仲誠汪悠久李燦邢廷楨陳瑤陸璫徐一唯畢懋

良倫應祥姚繼舜韋明傑 國朝知縣吳自肅江西提學道

高璜江西巡撫白璜

按通志載祀徐昇以下凡三十一人舊志僅錄李徵古林

景達冷應徵東清高璜五人乾隆八年奉文移祀徵古於

鄉賢補祀徐昇以下十七人九年增祀白璜共二十二

祭文



昔官茲土咸有樹立媿非倖成功非虛飾孰彰於前孰遠於  
聞穹碑信史遺跡播芬法施死勤著在蕙典俎豆馨香敢用  
弗腆麗牲載酷進公之堂擊鼓迎神神其我將

鄉賢祠在戟門右春秋附祭

唐孝子廖洪南唐太保青陽公宋齊邱袁州刺史李徵古宋  
廣州通判蕭祀元龍泉教諭黃虛明晉府長史龍鐔山東布  
政司參政龍儀貴州左布政使易節刑科給事中劉蓋刑部  
左侍郎郭瑾汀州府知府李瓊彰德府知府龍士通大理寺  
少卿宋良佐雲南按察司副使張璧雲南布政司參政彭自  
新福建建寧縣知縣宋九儀廣東增城縣知縣喻子賢

按通志祀廖洪以下凡三十五人舊志僅載宋齊邱龍鐔  
易節郭瑾李瓊五人乾隆八年奉文移祀李徵古補祀廖  
洪等十一人共十七人

祭文

民以俗習賢因地靈言坊行獲鄉人式矜或器淵沈或節校  
厲要其歸趣若執左契某水某邱羣公昔游文獻可徵賴有  
前修我享維時以妥以侑颯然精爽鑒我遵豆

忠義孝悌祠雍正元年奉行四年知縣程元度建於學宮右側  
乾隆壬申重修春秋附祭

唐孝子廖洪元孝子郭擦明忠臣晉府長史龍鐔孝子郡廩



生龍以仁忠孝邑廩生張列文邑庠生張經 國朝義門周爰試

按通志祀廖洪以下五人舊志陳府志俱僅載洪鐔以仁三人嘉慶十年奉文飭查增四人共七人

祭文

維靈稟賦貞純躬行篤實忠誠奮發貫金石而不渝義問昭宣表鄉閭而共式祇事懋彝倫之大性摯我蒿克恭念天顯之親情殷棣萼模範咸推夫懿德

綸音特闡其幽光祠宇維隆歲時式祀用陳尊盥來格几筵

節孝祠亦雍正四年知縣程奉行建在學宮右乾隆壬申重修

春秋附祭

元龍均用妻陳氏張鼎實妻敖氏府志鼎甘希曾妻鄧氏明誤寶

周大甫妻張氏烈女常氏生員鍾伯良妻袁氏知縣張棗繼

妻雙氏廩生譚瑩妻涂氏龍應時妻袁氏生員楊嘉賓妻韓

氏廩生辛子美妻甘氏周榮五妻汪氏鄧權妻丁氏生員郭

宏敷妻辛氏吳嘉佐妻潘氏生員彭煥妻徐氏李永芳妻彭

氏生員彭信古妻葉氏鮑紹文妻周氏龍三榜妻吳氏生員

歐陽餘慶妻聞氏生員張文縉妻彭氏龍以會妻蘇氏生員

張鉉妻鍾氏袁汝棟妻鮑氏王道成妻柳氏生員辛啟夏妻

龍氏生員袁開美妻梁氏舊志誤歐陽體信妻周氏楊嘉賓



妻彭氏辛應宸妻宋氏 國朝廩生辛承頊繼妻張氏以下

按節烈邀 旌典者例准立主入祠辛張氏以後姓氏具

詳列女志不贅錄

祭文

維靈純心皎潔令德柔嘉矢志完貞全閨中之亮節竭誠致

敬彰閨內之芳型茹冰蘖而彌堅清操自厲奉盤匱而匪懈

篤孝傳徽

絲綸特沛乎

殊恩祠宇昭垂於令典祇循歲祀式薦尊醪

以上四祠各羊一豕一餘如式

武廟舊在雙虹橋畔久廢明萬厯間知縣姚繼舜建於靜安院

右即府館廢址

崇禎癸酉知縣韋書額 國朝乾隆丁巳生員宋

啟洛集同志醵金奉祀壬申重修後因靜安院燬佛像寄廟

中邑紳辛梓捐石柱謀建未果道光甲申知縣衛鵬鳴倡士

籍紳耆宋維新湯伊衡李世榮等就靜安故址創構如式歲

春秋仲月諏吉及五月十三日致祭牛羊豕幣各一鉶四簋

簋各二邊豆各十尊三爵九罍一鐙一

祭文

維

帝浩氣凌霄丹心貫日扶正統而彰信義威震九州完大節以篤



萬壽縣志卷二十六  
忠貞名高三國 神明如在徧祠宇於寰區靈應丕昭薦馨  
香於歷代屢徵異蹟顯佑羣生恭值嘉辰遵行祀典進陳邊  
豆几奠牲醪

樂章

青湛湛玉霄門

神來下綵旄紛宮牆輪奐邊豆芳芬光景

動人民丹心照日浩氣扶輪

迎神

調蘭醕酌桂尊

神來饗房俎陳忠貫金石義炳乾坤純臣

戴一君力扶王室不願三分

初獻

汎盎齊觴再進簫鼓諧聲歌韻武節絕倫不辭利鈍神勇天

威震方知舊史未符公論

亞獻

禮秩秩樂欣欣儼威靈至今存惟靈惟佑佑國佑民典祀極

隆文式揚顯號時薦明禋

終獻

司儀告徹靈風來泊

神聿歸嘉徵萃大濟羣生善良胥得

意邪慝無伸喙

皇化所及咸尊廟食東西朔南靡勿暨

徹饌

關帝先代祠在廟後每歲同日致祭用羊一豕一餘品如式

祭文

維

公世澤貽庥靈源積慶德能昌後篤生神武之英善則歸親宜  
享尊榮之報列上公之封爵



錫命優隆合三世以肇禋典章明備恭逢諏吉祇事薦馨

文昌廟舊在治西乾隆甲午土籍公買守備署建辛宗侯郭樹立陳經集同志二十餘人醵貲奉祀嘉慶己未改建考棚移像於後道光乙酉紳士郭世華辛錦斐陳鼎龍宋珊宋海嶠宋謨策郭如同鮑啟倫郭樹藻九家子孫因賓興堂所買地基合貲創構并先代祠迴廊儀門魁樓幸牲所官廳如式春以仲月初三 聖誕秋以仲月諏吉致祭祭品與 武廟同祭文

雜

神蹟著西垣樞環北極六匡麗曜協昌運之光華累代垂靈為人

文之主宰扶正久彰乎感召薦馨宜致其尊崇茲居仲春用

昭祀事尙其歆格鑒此精虔

樂章

光煜煜拱辰樞 神來格耀天衢香通肸鬩靈貺畱前奎垣

氣似珠禮隆燎祀儀薦璧瓊迎神

斟蘭醕酌桂尊 神來饗潔苾芬徽揚孝友化治忠淳寶曜

接洪鈞靈通九曲祀炳千春初獻

嘉羞齊觴再盛樂歌諧宮商應圖書之府珠幃靜炳文章徵

福命象叶儒林明經修行亞獻

衆樂備百禮暨降飭煜調元氣祥占戴筐克相



上帝敬謹薦精禋神感和平丕承嘉惠終獻

祝告利成將享隆 神既居歆答光訓桂籍長稽煥人文德

宇綏安 神功駿自時中又咸尊廟食於萬斯年昭泰運徹

帝君先代祠在廟後每歲同日致祭祭品視 武廟先代

祭文

祭引先河之義禮崇反本之思矧夫世德彌光延賞斯及祥

鍾累代炯列宿之精靈化被千秋緯人文之主宰是尊後殿

用答前庥茲值仲春肅將時事用申告潔神其格歆

附田產道光四年職員辛朝聘妻郭氏助興江田二百把因

又補助佃霸踞未清二十九年朝聘媳節婦羅氏清業交出

坑口案山山土一片有契約

社稷壇宋時在縣西百九十步嘉定十二年知縣事汪闡中移

縣西二百五十步剏屋備風雨加以垣明洪武三年知縣韓

彧建於養濟院側成化六年知縣陳燦重修

國朝雍正十年知縣汪改建南關外三元殿前壇面磚砌四方

各階三級有圍牆每歲春秋二仲上戊致祭參嘉定志

祭文

維

神奠安九土粒食萬邦分五色以表封圻育三農而蕃稼穡恭

承守土肅展明禋時居仲春敬備祀典庶九九松柏鞏磐石

以無疆翼翼黍苗佐神倉於不匱



風雲雷雨山川壇舊在南關外三元殿後明洪武三年知縣韓建成化六年知縣陳修國朝雍正十年知縣汪改建西關外養濟院側壇式如社稷制春秋仲上戊奉城隍神合祭

祭文

維

神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲幣

先農壇在南關外三元殿前左側方廣四丈七尺壇高四尺五

寸四方石階各五級祠宇三進配房二間神倉神庫祭器悉備雍正四年知縣程元度建道光辛卯署縣楊際華重修歲季春亥日致祭祭畢行耕耨禮

祭文

維神肇興稼穡粒食烝民頌斯文之德克配彼天念率育之功陳常時夏茲當東作咸服先疇洪惟

九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐於神庥庶幾九穗雙歧上瑞頻

書乎大有

附耨田 雍正十年知縣程買三元殿僧慧照田院上一百廿二把墓上四十把一坵墓下八十把三坵契貯縣庫



雩祭乾隆八年奉行每歲孟夏上辛合社稷山川諸神於

先農壇行禮

祭文

恭膺

詔命撫育羣黎仰體

彤廷保赤之誠勤農勸稼俯惟蔀屋資生之本力穡服田令甲爰

頒肅舉祈年之典惟寅將事用伸守土之忱黍稷惟馨尙冀

明昭之受賜來牟率育庶俾豐裕於蓋藏

城隍廟在水東岸集賢坊明洪武三年縣丞馮原禮以紅巾劉

仁舊居改建永樂間燬正統十年縣丞周濟重建景泰二年

典史朱遜修後廢宏治間邑人辛潤捐建規制畧如縣治崇

禎十年知縣章募建 國朝康熙戊辰知縣劉體元率邑人

重建乾隆癸巳知縣楊長佐率邑人鄧鉉陳鼎龍等倡首捐

建道光戊戌合邑拓基重修添建頭門外站亭兩廊餘費置

產為大修用此祠朔望官屬行香春秋二仲合祭於風雲雷

雨山川壇凡官司莅任水旱祈禱皆致祭

附田產 原有香火田五百四十把在邑北正元沖康熙甲寅

收租又原管集賢坊店基一所直三丈三尺橫一丈三尺五

寸續增烏溪關外院山裏二百把岳門樓汪家塋一百

把巢禮人盛德助殿塘二百六十五把姚鶴廷鶴順辛宏章助

石上屯田一百六十五把魚塘一口張時及郭普亭助北吹

揭家塋二百三十五把魚塘三百把辛基秀劉名絨助丁田

萬載系上書志 卷二十六 祠廟



西原殿二百三十把 戊戌餘費買高塘裏早遲田五百零五把 承家阮槐上早田一百把此二處田經首事易錫純陳守謙辛朝梅等呈縣立案收租生息非大修不得動用

龍江山祠在治左明德坊祀龍神明萬歷間建 國朝乾隆間

邑人宋啟龍來儀謨勲等助基拓修道光二年合坊重建朔

望官屬行香水旱致祭

邑厲壇在治北楊桐岡元時風師壇故址明洪武三年知縣韓

建高三尺濶二丈地基有二十六弓前橫十八弓後橫十二

弓門塾一宰牲房廚房各三間歲清明七月望十月朔祭無

祀鬼神迎城隍神主主之

里社五穀壇二十四所在懷舊等鄉明洪武十七年知縣胡子

愚立 舊志

鄉厲壇二十四所明洪武三年知縣韓立制以祭邑厲日里中

父老將事里社亦如之今俱廢 舊志

三皇廟 祀伏羲神農黃帝在小關嶺乾

關帝廟 門外三元殿右康熙乙卯滿漢兵合建庚寅知縣龐驥

修 一竹渡 一高城乾隆間合鄉建 一源頭水口乾隆

間劉姓重建 一潭埠上街鮑子良陳君候等三十八人建

置香火田店 一白良橋頭 一白良中墩明萬歷癸未袁

黃李黃四族建 國朝康熙戊辰袁秉星黃萬生李月明黃

禹一等重建置香火田有碑 一白良下墩社合腦各與賢

祠康熙中袁秉星李汝翼袁子萬李瑞吉等各率族買地創

建并置山蓄樹有碑道光戊申李姓重修 一牟村河東中

街置眾建嘉慶丁卯辛秉仁倡士商重建殿廊兩亭儀門歌

臺如式後殿祀許真君 一牟村河西街後乾隆壬寅募建

道光辛丑鄉市合修後祀許真君前建牌樓戲臺并置香火

祠廟



田店 一 菱蕪中 一 花橋合 一 鄉建 一 與江前有戲臺并置香火田

一 岐源楊祠建 一 一 崑山明喻子賢倡捐重修 一 磴頭市道光壬午

一 何家洲 一 一 蓮花墩 一 一 箸坪水口嘉慶中庠生陳萬高

一 小許 一 一 羅城三周眾建 一 一 羅城金獅祠高廷芳子孫

一 杭橋游德園建 一 一 武家嘴李姓建 一 一 岐山寄宮祠合鄉

文昌閣 一 一 楊維楨重修邑人彭衡古助石雍正十年知縣汪元采

率邑人王愛郭起鵬等因基重建後燬 一 一 吳公講堂前乾

隆間學前開燬邑眾移建於茲為閣三重上祀魁星道光初

一 丙午邑紳宋維顯率姪仕豪等捐建加崇基仍其舊雜顯

一 南田王氏眾建閣後立關帝廟崇福祠中構講法亭為族

人朔望讀法所 一 一 白水陽澄橋下街道光元年鄉市眾建

甲辰圯生員歐陽文炳監生歐陽梅暨文社眾重建并祀魁

星辰一觀上盧家洲水口并祀關帝 一 一 下碓水口喻廷珪

後裔建 一 一 文昌祠 一 一 在岐源水口楊姓建

萬壽宮 一 一 名真君廟凡二十二 一 一 縣署旁嘉慶丙子年合邑

菁等募建 一 一 九仙宮側嘉慶戊寅監生張慶樞鄧含輝晏淑

拓舊基重修前後三進 一 一 廠塘乾隆二十年貢生巢起崙

監生李國選等倡捐募建置產嘉慶十年職員張楷贊倡重

建 一 一 范塘水口 一 一 饒田合鄉眾建 一 一 景衢市乾隆五

十二年劉宗沐等二十餘人捐建有碑 一 一 周陂橋乾隆癸

丑陳春魁倡捐周華都等募建并魁星閣 一 一 櫛樹潭中街

嘉慶己未募鄉市重建 一 一 白水陽澄橋下街嘉慶庚辰紳

士歐陽河歐陽臨歐陽典辛炳琚等募建道光辛卯水圯戊

戌歐陽海和丰儀星友偕蕭金齡等重建并置田 一 一 白良

橋頭 一 一 小水 一 一 南園橋頭 一 一 蓮溪橋頭 一 一 仙源村

一 潭埠雍正十年鄉元萬楊榮成等募建嘉慶丁卯朱梅

林易祥雲等更募重建并置店房 一 一 白良橋西道光辛丑

眾姓建 一 一 高城道光壬寅台鄉建 一 一 中菱蕪下街道光

甲辰增生彭士楷黃福謙等勸捐建并戲臺站亭 一 一 裏源

古路祠曹姓建 一 一 五百興道光辛丑重修添建雨亭及後殿

三元殿 一 一 三名三官殿凡十一 一 一 南門外月臺山下康熙四年

貢生郭士選生員辛友月等倡建嘉慶丁丑僧智和重



修 一靜安院西 一高城市胡積德等眾建修撰史大成

書額 一南田獅崑王姓捐其康熙壬戌僧洪緣募建嘉慶

三年王姓重建後殿 一後檉合鄉建 一九仙宮左明崇禎

八年邑人建移東關三元閣彭副使鑄像供奉其中 一西

江水口僧德星建 一藏溪喻姓眾建 一鏡山陳姓眾建

仰山祠 凡四 一小南門外宋家坊 一嶺東 一水南昌田

十年吳家福高步蟾等募修 一

羅溪名臨江祠本村李姓重建

仰山行祠 凡二 一邑東集賢坊并祀關帝

孚惠祠 在治東下街順治間下八坊重建康熙己丑重修更

廟外左右店房安仁坊店基二間大井頭店基前後各

二間康樂坊店基一間迎春亭左店基加豎店房三間嘉慶

甲戌廟重修前後費並出下八坊

龍王廟 凡二 一高車合鄉眾建道光某年拓舊重修 一灌

潭潭上奇石突出如馬腦四鄉建祠其上置田產奉祀

多驗 東嶽南嶽祠 白良上保 敷用敬建

東嶽祠 嶺樹潭下街嘉慶辛未募建 一行祠在東岐山麓久

南嶽祠 在北吹藜 一行祠在上嶽冲宋建炎二年道人

龍宗超禱衡嶽歸建今道光丙午鄉眾募建重修

天符廟

應禱捐地建廟後兵燬明洪武三年文泰與重建嘉靖

四年燬而復建崇禎間坊人重修生員鮑保赤郭都城王仲

連龍旭日陳鼎奇易前川周雍九等三十四人合置蔣家莊

田九百六十把奉香火并建痘神宮 一王家坊 一太坪

村 一裏源水口曹姓重修 一長江上馬腦山有產奉香

火 一高村市明萬厯間廿四都紳上建今道光元年合鄉

重修 一均車台鄉眾建 一北吹藜

江東廟 祀秦石固 一布溪邑庠生高斗權子孫建 一行祠

在靜安院立元至正間僧相庭詣贛州請香火歸瓶此

湯周廟

在湯周山嘉定志

湯周二仙祠 在高城中街王開

云歲以蔬食饗之

水府祠 祀晉旌陽令許遜在龍河門外譚姓修 國朝乾隆辛

亥譚姓助基陳鼎龍倡捐改拓有契約嘉慶間合邑修

雲重建 國朝眾姓修葺 故鄉祠 在竹渡相傳祀白將

祠後兵燬明洪武三年僧曇

壽康縣志 卷二十六 祠廟



濠洮祠

祀許旌陽在江口龍江門北張劉二姓重修嘉慶壬申合邑改建龍江橋頭

白馬祠

祀晉白馬將軍凡三一邑北范塘楓樹垵一羅城周姓三房重建一皂山喻姓眾建

康樂古祠

在小水雙江橋側祀晉康樂伯陶回通志祠廟云回食邑苦旱發廩賑濟民利其既建祠祀之名利既廟

此祠當是故址歲久失傳或乃歸之靈運今且易祀許真君矣故存其蹟於此以待後之有志興復者

康樂祠

祀龔封康樂公謝靈運凡二一丁田康樂橋左元至正十年知縣汪元采率士民建前後二進并兩旁輔屋周牆

皆磚以前令姚繼舜脩橋人龍珮巡撫謝布政使李知縣汪俱有額道光四年僧

智和重修一殿塘

陶司空廟

祀司空沔在陶家坊久廢察嘉定志

武烈祠

祀隋將陳仁果在錦衣坊因遺像著靈祀之國朝乾隆庚辰眾姓重建下棟置香火田有碑參嘉定志

二先生祠

祀韓昌黎周濂溪在儒學側宋紹興元年建國朝康熙六十一年知縣施昭庭改建龍江山右雍正四年知縣汪元采移明倫堂躍臺

在成德齋舊基省志作二賢祠

包公祠

祀宋孝肅公拯凡三一鐵山界雍正八年建乾隆庚子重修嘉慶間瀾萬一邑士民募建置產立吳楚界石

一櫺樹潭墟場

英烈祠

祀宋康保裔凡三一南浦坊一邑西水口嘉慶庚午八都一裔建一石溪扶仙祠明嘉靖時郭姓眾建

晏公祠

祀元文錦局堂長成仔在多江明洪武十四年龍明遠建萬曆十六年水圮明遠孫高騰重修

龍龍山祠

祀明長史鐔在明倫堂左乾隆庚辰知縣張立中邑人巢汝成聞成忠辛汲辛試捐建龍山後裔躍乾

等奉田一畝六分

姚侯祠

祀明邑令繼舜在治前屏牆外今廢有去思碑

畢公祠

祀明邑令懋良在再思橋街西與姚侯祠對宇今惟廢址存

鄧公祠

祀明都督子龍在瀾陽界鄧公嶺下高村李姓捐建

康王廟

凡六一盧家洲上街一偏源一三十把一塗泉鮪形山名佑福祠一上塗泉各塗溪祠嘉慶甲戌合鄉重修一礪下道光丙便民倉廟在邑北石

申陳方蓮綿被等倡建有出



儼神廟

祀楊吳將軍歐陽晃凡八一耕畚埴名耕畚廟一

間重修一馬鞞嶺各馬鞞祠嘉慶三年熊姓募建道光二

年復募拓修一羅名下羅祠道光二年湯竹軒裔重修

真君壇

祀唐十二真君在岱源舊立祠山頂為祈禱所

附載省城

萬壽宮

惠民門外裏洲道光庚子邑同人堂汕號捐助地基首

前獻臺兩廊複閣後為公所左右棧房背面馬頭合郡行旅便之

萬載縣土著志卷二十七

塋墓 義塚附

唐刺史應智瑱墓

在奉新縣十七都應墓里俗稱應使君墓採

刺史柳希玳墓

縣西下院大墓山見寓賢孝子廖洪墓縣西森院

南平王鍾傳墓

在新建距小石頭十里隧前有八角井新建

尚書陳節墓

在宜春輦下舊屬萬載鄉新賢里錢田村見墓

曾文迪墓

縣北冠邱山下今白將軍墓縣東白塔山

五代前進士辛開宣墓

治後龍山下常侍徐鉉墓在新建西山鸞岡

按鉉本傳云胡仲容歸其葬於西山

明一統志父延休弟

通志引蘇樂城書及張天覺改葬事甚悉在西山無疑乃



廣輿記舊志謂在萬載清泉山蓋為石刻徐將軍墓所誤

宋朝議大夫李觀墓縣西南雙坑口 觀宜春人棄官歸卒葬此 通志李觀墓在府南龍會市

捉舉蕭杞墓縣西北石版殿 劉長者昇陽墓縣北煙築花圃後蛇形

按汪志載朝散大夫劉允迪墓又稱舊無所考考豫章書

允迪玉山人仕後家居建義學教子弟及鄉人不應有墓

在萬舊說蓋因長者之父一名允迪牽合致悞也辨見昇

陽傳

元教授張千厓墓宜春陳家坊屋後象形 縣尹歐陽朝墓縣西因果橋橋林下

教諭黃虛墓縣西奇圃羅帶形 中書放仲實墓白良郭山腦

國子助教編修國史譚觀墓縣北涂口掛壁虎形

明進士朱秉恭墓縣南銀山村上也字穴 教諭朱隆墓縣西鈐田虎形

長史龍鐔墓縣東葛家窰易節表甘泉銘 知縣張世寧墓縣北喬居

叅政龍儀墓石版墩龜形 教授黃葵墓銀山村也字穴

教諭伍常墓縣北岳裏煙竹塘船形 訓導王鏞墓縣西高城

訓導蕭韶墓縣西金星腦 教諭蕭傳墓金星腦

布政使易節墓烏溪關內 給事中劉蓋墓浙江嚴州府

御史鮑遇墓石版墩牛形 知縣易震墓版塘木仄林

同知張汝梅墓縣北湖上伏地虎形 知縣劉執中墓龍河門外劉公墓老鼠嘴有碑

侍郎郭瑾墓竹渡臥牛肋形 教諭湯理墓縣西路竇燕山飛蛾形

國子監博士郭瓊墓竹渡臥牛肋形 王府紀善朱良墓鈐田虎形



知府李瓊墓

縣西湯阮張元

教授何英墓

縣南月臺山

同知郭儀墓

縣南城塘下

知縣龍時舉墓

吹藜蛇形

知府彭澄墓

縣北沙潭

知縣龍玠墓

縣北九田真武坐壇形

知縣辛節墓

龍河渡

舉人辛磊墓

縣南白沙嶺

同知龍士通墓

竹渡臥牛肋形

知縣龍允中墓

縣東土地背烏鴉潑地形

知縣張棗墓

丁田神山腦犬形

王府審理副張鎰墓

沙潭象形

同知鮑士遠墓

縣西石上虎形

通判龍瑗墓

竹渡土凹阮

大理少卿宋良佐墓

縣南郭村鋪勅葬

同知彭天補墓

縣北廖巷

舉人辛明述墓

涂泉老虎窩

通判喻濟時墓

縣北虎符環溪寺後猴形

知縣龍兆禎墓

縣西黃村虎形

知縣彭察墓

縣北多江石陂山

知縣鄭邦德墓

多江石陂橋象形

知縣葉璽墓

白良楊吉塘

知縣宋九儀墓

治後龍山右側

知府歐陽澄墓

白水嶺也字穴

教諭聞應期墓

竹渡紐沖水口象形

按察副使張璧墓

白良走馬寨龍形

教諭張以宗墓

丁田神山腦犬形

知縣辛圖猷墓

周家市龜形

舊志上方黃泥塘虎形

通判喻子良墓

皂山墓阮鷺形

知縣喻子賢墓

虎符橫阮龍形

按察使彭自新墓

縣西濠田街香鳳形

知縣龍應試墓

路下白石江龜形

知州辛敏道墓

縣東鏡塘虎形

知縣龍起陽墓

縣北澄渡也字穴虎形

知州張良玠墓

縣北雲峯嶺下虎形

教諭彭之龍墓

縣北戴公棧

知縣鮑紹湯墓

初葬黃江虎形後遷柵上饒鉸山蜈蚣形



知州辛聯魁墓 縣東石獅仙 人現掌形 儀賓劉朝忠墓 縣北黃土嶺虎

舉人張廷柱墓 縣北九龍潭 舉人喻子卿墓 鐵爐背金麟吐 舌形

舉人喻懋敬墓 縣北橫田江 面嶺虎形 孝子龍以仁墓 潭埠龜形

副將彭簪古墓 縣西牟村 舉人李棟墓 厥塘冲天木星形

贈員外郎易復亨墓 縣西徐 山有銘 贈右侍郎郭善慶墓 竹渡臥牛 肋形

贈同知郭彥明墓 宋家畚穩 渡 贈員外郎彭顯墓 縣東九子石

贈參議張賢傑墓 高田巨門 土星形 封給事中宋頤墓 高城金鐘形

封知府彭竟成墓 縣北九里 陟飛鳳形 劉儀賓夫人朱氏墓 縣北天湖 山西

邑訓導余昌祚墓 縣西火天羅姓山昌祚進賢人崇禎時卒 官葬此其母葬石筍坑內山

國朝舉人宋繼種墓 新昌三十七都新田屋後望天獅形

舉人龍星墓 縣西後塘蜈蚣 形 教諭敖璉墓 黃田江飛天蜈蚣 形

舉人宋希陳墓 沙潭螺形 教諭宋希賢墓 饒田鳳形

舉人巢廷魁墓 丁田鳳形 舉人彭元升墓 縣北岐山幹竹 山

舉人辛聯昌墓 石筍阮虎形 訓導楊言墓 治北王家山鳳形

知縣郭岡墓 縣南鳳形 內閣中書張明德墓 潭埠車田 蓮花形

教諭袁建中墓 白良水口齋 腦墓 舉人彭翔墓 浩石仙人現掌形

舉人王嗣立墓 縣南白洋湖 江家冲蛇形 舉人黃鶴墓 白良張公嶺下七 星堆

舉人辛顯墓 演武亭後月形 守備李桃墓 雲南沾益州麒麟 山

教諭辛廷芝墓 縣東北石岐 長窩裏 舉人王都毫墓 縣東北長埭腦 亭左

知縣李榮陞墓 高村九頂山 黃岡窩象形 舉人龍雲飛墓 縣西高嶺虎形



戶部主事辛文彬墓石筍院鳳形

知縣龍鳳祥墓伊犁

知縣郭開英墓縣南鳳形左翼

知縣孫馨祖墓長埭腦楓樹原

知縣袁廷鼇墓蕪蕪胡家冲蝙蝠棲梁形

都司郭大賚墓橫樹潭滑石江

知縣陳池鳳墓縣西高家嶺月形

守備王國華墓張家塘鐵爐冲虎形

學正聞星杰墓竹渡團山龜形

衛守備郭如崧墓四都桃樹窩

教授辛炳晟墓上高廣安一箇湖田新塘埭龍形蔡之定銘

國子監助教辛紹業墓上高山棗渡鄒家屋後祥雲捧月形翁方綱表

舉人鄧斯沂墓涂泉虎形 守備劉英墓縣西石子山飛蛾撲壁形

武進士易金鳳墓饒田箬院鳳形 守備巢起岐墓縣西荷花塘獅

吏部侍郎辛從益墓南吹藜喻家冲玉堂懸鏡形與夫人聞合塋

同知唐錫鐸墓梅源院上飛蝶形 知縣辛啟泰墓藍田官山莊

知縣辛朝俊墓縣西虎形 訓導汪元英墓縣北涂口

舉人辛係傳墓水口沙冲窩祥雲捧月形 舉人盧煜墓鍾家坊紫雲捧月形

知縣郭大經墓縣東大栗岡金雞形 教諭陳鴻蕩墓縣西高家嶺月形

舉人辛萃墓塘稼莊右遲禾冲蘆葉垂珠形 舉人巢象彰墓涂泉釵形

戶部主事辛師雲墓吹藜玉堂懸鏡形左山

訓導袁開慶墓白良張公嶺銀盆淘珠後 訓導李承烜墓白良水口下蟾兔拜月形

知縣周其修墓南關外虎形

貽贈文林郎李普墓高村長梯凹虎形

貽贈文林郎李士璉墓高村布安嶺西神龍形

高村長梯凹虎形



高城蓮花形

高城蓮花形

勅贈文林郎辛澤高墓

石筍阮鐘形

勅贈文林郎陳能緯墓

縣西塘頭漿蓮花吐蕊形

勅贈文林郎陳邦儀墓

縣西高家嶺月形

勅贈通議大夫辛金澄墓

楸樹潭朱嵐尖下蛇形淑人高氏墓在對岸宋家冲寒犬戀窠形

誥贈資政大夫辛汝獻墓

楸樹潭蛇形與龍太夫人合塋

勅贈文林郎辛樹貴墓

楸樹潭蛇形

誥贈資政大夫辛樹人墓

楸樹潭桐樹江獅子望樓形與胥太夫人同山異塋

勅贈承德郎辛樹寶墓

楸樹潭蛇形

勅贈文林郎辛炳昭墓

上高山棗渡祥雲捧月形

勅贈武德騎尉劉景錫墓

章錫墓 縣西石子山飛蛾撲壁形

誥封武德騎尉劉挺元墓

同上

勅贈通議大夫辛又曾墓

羊公嶺背燕子伏窩形

勅贈文林郎唐光表墓

梅源人形

誥贈奉政大夫唐廷鳳墓

上高小江邊大壘虎形

勅贈文林郎郭德仁墓

縣南屏山下

勅封文林郎郭世華墓

縣西蘇溪虎形

勅贈朝議大夫辛基德墓

楸樹潭楸樹下月形

誥封朝議大夫辛錦斐墓

藍田荷葉蓋金龜形

勅贈文林郎郭邦理墓

縣北新塘山鱗形

高城縣志卷之二十一 墓



勅贈文林郎郭吉墓 禮山巖塘院蛇形

勅贈武德佐郎郭鍾秀墓 縣南鳳形右翼

勅贈武德佐郎郭淳墓 鳳形左翼

勅贈奉直大夫盧毓奇墓 井院貴人坐帳形

勅贈奉政大夫盧文寶墓 同上

勅封文林郎盧文宜墓 上高下朋田驪珠形

誥封奉政大夫盧文字墓 同上

勅贈資政大夫胥元會墓 上高埠頭塘斯原

勅贈奉政大夫彭賢志墓 小澗祖敬腦

勅贈文林郎楊維鏞墓 土嶺永水

勅贈徵仕郎聞之琪墓 桃源虎形

邑知縣劉大成墓 縣南郊 大成江南淮安人康熙中卒官

海豐吳慶孕墓 高城 慶孕為前令自肅族叔朱益吾之亂 與把總陳啟陳忠等帶鄉勇堵禦被害葬此

邑教諭陳學崙墓 戴公棧道光辛丑卒官葬此

義塚

南郊義塚 縣治南教場側明宏治間知縣張文度曠野築之 約四十餘丈立綽楔題曰漏澤朱憲記

西郊義塚 西關外半里許 舊養濟院斜對 東郊義塚 東關外半里 許桐木棧

北郊義塚 北關外半里許戴公棧 四處俱知縣張文立

因心堂義山 初捐置西郊地有界碑日久葬叢幾無餘隙道 光甲午復買北郊普濟庵對面民地亦立界碑

楓樹下義塚 縣西二十里空山一嶂七都一箇眾立



仙源義塚

十六都四畝梨樹凹邑人蕭運顯倡立

潭埠義山

縣西四十里街背高古嶺逢垠直上山一嶂道光某年鮑子良後裔鍾山震崙震科等買捐

墨斗山義塚

十都三畝潭埠市背高古嶺潘姓捐立

牟村義塚

十七都四畝辛樹瀛李繼盛宋維新等數十人捐立并置產建見性堂歲施棺有記

白水義塚

四區本鄉歐陽春協歐陽梅歐陽鳳甘會煌四人捐置

高橋義塚

縣西二十五里道光已酉職員鮑鍾瑞契買捐置

官莊義山

縣西三十里橫街背監生鮑承旭附生鮑琳等以祖業捐置

西門外義山

荷花塘獅子腦道光戊申義山堂立

存心堂義山

東門外小嶺亭大路邊山一嶂首事劉瑩易師重辛基琇等置有記

萬載縣土著志卷二十八

寺觀

寺

廣濟寺

邑西門外錦衣坊原名紫霄觀許旌陽香火道士涂道

有悟元樓明宣德五年道士涂隱真天順三年道士羅惟鑑

各有修葺國朝康熙三十六年宋瑞洪與僧某改建為寺

額曰廣濟瑞洪助田三十把五十九年三元堂眾修上棟兩

廊額曰西屏山助石版墩田資香火有碑嘉慶戊寅瑞洪子

孫與僧重葺上棟道光某年僧佛圓募修舊志觀有易方

翠嵩寺

北關外翠嵩亭後邑人彭顯建有亭沼之勝張壁題聯云竹巒偏宜水荷香不借風後易數主康熙中三元眾

開化寺

在西門外康熙庚辰僧鏡圓創眾置田畝雍正甲寅白楊寺僧祥澄重修



勝果寺

萬志作院在一區石岐宋開寶二年僧東崑創元季兵燬明洪武四年僧為宣國朝雍正癸丑僧一相先後重建嘉慶九年僧壽山拓修

月光寺

二區峯頂山巔考嘉定志此寺與後九峯統名峯頂院晉時馬祖道場也元至正間邑人黃岳即其址立庵因名東庵天啟二年僧德心復修崇禎時鄧文輝立碑述呂真人詩云初一風掃地十五日為燈因之遂更今名國朝雍正乙卯僧佛性募眾重建乾隆三年僧智聖修四十九年其徒慈惠等復修上殿

九峯寺

原名峯頂院舊志作庵馬祖居山時嘗立東西北三塔北塔兵燬明成化甲午邑人龍那重建殿宇佛像更今名其西塔殿宇三間則成化癸巳舉人晏清建因塔旁井泉清冽遇旱應禱遂建殿為鄉人祈報所有詩

棋盤山寺

二區紹江舊名淨慧庵古刹久廢岸生在映暑重建并置產後遭回祿產亦蕩盡嘉慶壬申貢生郭樹芝建寺造像捐置田山付僧其茲住持以上因舊志

橫源寺

二區橋墩興隆寺二區田北順治中龍姓捐建有田產

蟠龍寺

二區上錫沖洪塘阮康熙中里人鮑萊子子孫捐建有香火田產道光庚子重修

雲隱寺

即西龍庵在二區小石笏乾隆二年僧雷隱建嘉慶間僧克茂重修

福泉寺

二區柴田塘仔尾乾隆壬午僧若餘建寶峯寺二區四都歐陽孟江建道光辛卯其子孫重修

天福寺

二區谷源礫下南昌龔仲庚建捐有田嘉慶戊午燬辛酉僧懿德重建

萬壽寺

二區銀山左嘉慶丙寅周泰與後裔重修助有田產以上八庵新輯

金繩寺

三區仙居橋舊志作院云在源頭悞乾隆丁巳僧普遠續拓墻基獲石鼎上鐫永樂癸未僧永鼎立今尙存

圓善寺

三區潭埠魚鱗灘上有山一窩兩嶂界住持種杉備修潭埠橋用倡首者歐陽榮成鄉元萬等乾隆庚戌因寺頽朽宋新甫偕僧脫塵募修

能仁寺

三區源頭舊志作院以上三寺因舊志

高峯寺

三區東阮上庵乾隆己卯王星元後裔重修萬福寺東阮下庵嘉慶丙寅僧盛蓮重建

金蓮寺

三區南北岸舊為東堂寺久廢嘉慶乙亥合鄉募建更今名以上三寺新輯



東山寺

四區白水舊志作院嘉慶已卯歐陽六房重修

法界寺

四區圳上舊志作院宋大中祥符時僧介庵開山元儂明洪武間僧秋澗重建再儂國朝乾隆間龍田眾姓

募建

靜修寺

四區茶院舊志作庵康熙乙未竺裝寺僧恨贊創建以上五寺因舊志

迴龍寺

四區下石崑原名集雲庵康熙初僧力旋創道光壬午伏龍山僧悟透承買重建易今名 祭舊志

陸雲寺

四區白水乾隆三年鄉眾重建 碧雲寺 白水嶺頂嘉慶辛未歐陽族眾建并葺茶亭

鐵林山寺

四區株木橋鄉眾募建 中峯寺 四區高洞

寶積寺

四區廣洞株嶺沖 南覺寺 四區浩石易釗和廷輝等捐建置有田

真空寺

四區仙源院僧募建 長興寺 四區五神嶺以上入寺新輯

福昌寺

五區謝山仲初飛昇處因名嶺日上昇舊有福昌院道士周與齡以仙蹟聞詔改靈應觀明宣德十年鄉人葺

觀宇

鍾靈寺

五區白良舊各三元殿明永樂二年袁李二姓創建國朝康熙元年邑庠袁秀也李周士等倡修易名集賢

庵庚寅袁維周李則修袁維漢李瑞吉率眾置香火田

長興寺

五區水阮磔元至元十年僧樸庵開山明洪武三年僧春林重建長史龍鐔嘗肄業於是 國朝康熙中僧照

賢重葺道光丙申僧學空募

竹隱寺

五區荷陂嶺廟背喻萬啟典七合建有香火田道光某年募眾重建 以上二寺新輯

法安寺

六區布溪古名環溪寺宋時建明永樂二年修 國朝康熙甲戌僧已靈募高劉何甘四姓重修高劉捐有田

地四姓又將百子燈眾銀買田資香火

大悲寺

六區小許宋時彭姓建元虞集有詩旁有半草山房 祭府志

大智寺

六區湖溪嘉定志作院康熙辛未李姓重建旁有清泉古檜託根其中一本九幹輪囷離奇乾隆末移寺建檜



陰舊志稱古柏今觀其樹實柏葉松身

萬祝寺 六區黃皮嶺北以上四寺因舊志

長青寺 六區小許段姓建

伏虎寺 六區漳源即引龍寺宋舜爵捐建

迴龍寺 一漳源宋所建一杭橋游德圖建

福臨寺 六區淳溪李姓捐建

聚雲寺 淳溪李姓建

竹隱寺 淳溪

永興寺 一淳溪李子泰建一黎源穀皮山麓

碧雲寺 六區高村以

院

靜安院 縣治東北一百步唐武德八年創後唐明宗時僧若冰重建周顯德間圯宋開寶四年僧從緣復建嘉定間南

泉普庵禪師遊此有鐘銘明洪武二年僧曇雲重建成化間僧智性再修正德間宋一本母辛氏捐建觀音閣後廢國

朝康熙甲寅殿傾像壞僧募重修雍正十年辛迥改建山門乾隆間燬移佛像於關帝廟後今與武廟互易

莊嚴院 小南門外四百步舊名新塘宋建炎四年僧覺義開山明洪武二年僧雲外重建國朝乾隆間周文魁後裔

捐修上棟郭漢臣募建下棟更名七寶山畧移舊址

安德院 一區泉陂宋開寶四年僧惟實開山元季遭兵燹明洪武四年僧無言重建

寶豐院 二區高田原各保豐宋大中祥符五年僧楚元創歷兵火明洪武四年僧文隱修復成化六年真溪重建國

朝順治戊戌海晏因廢基復構嘉慶丙寅歐陽孟江偕僧永盛重修郭吉子孫建書院於旁

廣仁院 二區黃江宋建炎元年僧正規開山明洪武三年僧行簡承兵燹後修復故今遺址存

雲巖院 二區瀾源頭明永樂間僧智有募建國朝雍正間智慧續建嘉慶間慧遠募修邑人龍堯道捐建東廊

惠林院 三區南源江唐咸亨三年僧妙應創明洪武二年中峯重建正統十一年永照重修

廣嚴院 三區鐵山界府志詔作廣嚴唐天寶二年僧如珉創明洪武三年石隱重建

澄寂院 三區山田院唐太和五年僧停山開創明永樂辛丑智禱重建國朝康熙辛未慶祚復修

保安院 三區青埭通志缺青字開寶二年僧介庵開山明洪武二年無厥重建

寺觀

四



三學院 四區萬壽山唐貞元十年僧大智開山舊志誤

淨覺院 四區白楊山山水竹木迥非塵境古稱袁州七佛地之一宋太宗時僧法順創院元大德五年僧文燦見重成

宗敕賜今名 國朝乾隆丁丑住持福宗修毘盧閣復創塔中橋沖上後分為二寺一曹洞派庚子燬乙卯豈凡募建一

臨濟派同燬壬午克彰復建 叅白楊語錄

光梵院 四區蘇溪宋宣和二年僧豈然開山明洪武二年曙林重建

明覺院 五區雲峯嶺通志作萬壽山唐貞觀時創建 國朝順治間洞宗德曠重修立石塔水口道光二年上棟焚燬

次年十九都岳眾捐修 叅通志

普城院 五區岐裏唐開元五年開山明嘉靖二十二年僧持茂募修後廢 國朝康熙三年僧喜見重建起樓閣於左

邑貢生譚經國助修并建水口石橋後彭宗植移建虎形山前捐有田業

明寂院 一五區雲芒山府志作靈王南唐保大十一年創 一五區上藍山舊名上藍山院唐末僧令超居此宋大中

祥符五年澄寂重建改今名明洪武二年僧義堂復建 參嘉定志豫章書

廣法院 五區湖源宋天聖二年僧妙成創元末燬明洪武二年僧齊賢修復天啟元年性覺募湖溪李大時重建

光化院 六區嚴田唐斷際禪師開山明洪武三年僧金山重建 以上各院俱因舊志

按此院及已廢之延壽院崇信寺舊志俱載唐咸亨初年開山其誤已於仙釋條辨之通志仙釋內既云斷際大中開示寂而此院仍沿咸亨之說亦宜更正 金山通志作金宣未詳孰是

庵

觀音庵 凡三 一康樂橋左元至正間僧片雲募邑人龍珣建歐陽元書額天啟時邑人辛敏道重修歲久傾頽雍正

九年邑人重建大唐庵僧自修置中村田百把資香火 一四區楊姑塘乾隆中郭山張有亮衆建 一中菱蕪下街萬壽宮側名觀音祠道光甲辰例貢彭才禮耆民黃日新等倡建



附 觀音堂 三 隙地建 一九仙宮康熙庚子廩生巢汝翼等就三元殿

華光祠改 觀音閣 二區谷源僧法 建 新輯

東來庵 建城坊東關外舊各觀音堂明萬歷間邑舉人袁汝机

觀國龍學懃龍輔等募坊眾重修僧文賢靜泰釀贊生息

普濟庵 大北門外明萬歷間辛康四建男僧常戒住持後辛貴

德同僧興來募化重建 國朝康熙癸亥僧勝學重修

半雲庵 西門外陳家山順治中龍偉

淨土庵 龍河門外康熙六年僧募建乾隆間燬

祝泰庵 邑北一里幽雅清靜松 普惠庵 二區洞口沖胡

大唐庵 二區谷源創建莫政明天啟中江督袁繼成肄業於是

紫蓋山庵 二區謝仲初修真處 國朝順治中貢生袁

新庵 二區禮山明崇禎庚辰邑人辛聯開建捐置田山 國朝

靈鷲庵 二區鶴峯即大尖峯明時邑人郭宏

石林庵 二區漕嶺順治中僧超慧募建乾隆間歐陽周楊鄧

重慶庵 二區小石笏即鶴嶺邑人郭大護建康熙壬戌

綠水庵 二區官莊小車康熙壬申僧允中建雍正十年

翠竹庵 二區大關嶺上龍炳若建并捐田山宋日暄辛五

會龍庵 二區張家塘舊有三元殿雍正癸丑僧一

覆盆庵 二區五雲山康 崇惠庵 二區谷源嘉慶壬

興隆庵 一區源嘉慶三年僧普願重修 一四區潭埠後

街乾隆丙午募化重修 以上二十庵因舊志



谷源庵

二區原各胥家庵胥橋三元庵二區周家  
建孫大順大化撥產助市李姓建

西龍庵

二區小石笏乾隆二年僧雷  
隱創建嘉慶中僧克茂重修

積慶庵

二區谷源楊家湖舊各續靈乾隆丙  
申邑人周喜重修易今各捐有田畝

翠雲庵

二區禮山辛胡龍三姓  
建嘉慶初僧善安重修聖濟庵二區銀山半嶺  
王晤後裔重修

青雲庵

二區南寄嘉慶  
庚辰鄉眾重修翠龍庵二區嶺東以  
上八庵新輯

永泰庵

三區濠田墩天啟間鄉耆丁汝泰同族捐建僧修明募  
塑佛像三元像丁朝棟捐有田畝康熙十八年眾又重

建三元殿

永興庵

三區株樹潭街後楊孟  
明建以上三庵舊志興龍庵三區石塘乾隆元  
年龍仁山祠重建

鎮福庵

三區嚴坪乾隆中  
歐陽昇平祠重修碧雲庵三區路下乾隆二年  
湯儒林建捐有田畝

迴龍庵

三區垵下下庵  
秀峯庵地上下五庵新輯

石庵

四區牟村龍田之間舊傳有僧自然得道飛昇止存石屋  
前後二棟高二丈廣三丈餘明天啟間僧圓空增置僧舍

里人鍾孟七等  
倡置香火田畝

高唐庵

四區箬坪邑人陳新明譚  
自天建僧自然募化重修

龍溪庵

四區花橋鳳翔山康熙  
壬子石庵僧哲林募建福聚庵四區廟院康熙癸酉  
石庵僧自壽創建

避塵庵

四區清水潭康熙丁  
酉僧月輝重建置產聚龍山庵四區礪頭康熙甲申  
謝山僧昭睦募建

紫雲庵

四區潭埠栗火沖舊志作力扶沖康熙甲戌邑庠宋希  
商捐山僧碧濤創建道光戊申僧自明募化重建有碑

萬壽庵

四區花橋菱塘沖雍正八年僧  
靈慧買得并置田產嘉慶間修

西竺庵

一清水潭楓樹沖楊五九德四德七建捐有田山康熙  
中僧靜開月輝祇樹先後營葺乾隆壬子五九等後人

重建一白楊順治四年鄉人陳  
如昱建以上十一庵本舊志

福慧庵

四區箬坪黃埔塘陳文  
英子孫捐建有田產清蓮庵四區牛關廠戴  
興族眾捐建



龍慈山庵 四區 郭冲 戴興族眾捐建

白雲山庵 四區 楓梓 僧達培建

翠榮庵 四區 郭山 楊姑塘張錦族捐建

福壽庵 四區 豬公井 以上六庵新輯

西源庵 五區 太平街 康熙壬子僧知善募建 乙卯燬 壬戌其徒慧鑑移建 距故基半里 乾隆甲辰嘉慶庚辰求玉其茲

相繼拓修 遂稱勝地

大東山庵 五區 迎中 邑廩生譚中倫捐建 并田畝

如意庵 五區 虎塘 源頭 阮即西來山 康熙壬午鮑萊子捐基址 田山僧知善建 乙未慧鑑重修 何維烈如及幼文共捐

香火田 雍正丁未嘉慶丙子僧斌吉崙山先後重修

華嚴庵 五區 裏源 僧靜禪募建

紫雲庵 五區 芳院 嶺邑人楊雍和倡建 并豎亭 懋行者 西竺庵 五區 湖源 康熙庚申僧不凡募潘福孫將牙建

海雲庵 五區 白良 放奠華建後朽壞 康熙辛丑其孫舉人建妻袁氏重構 雍正壬子觀音堂眾添新移 豎爽塏地 道光

甲申放有義後裔重建 原助香火 田二百把 以上七庵俱因舊志

朝陽山庵 五區 牟村 一名三官殿 舊住持某買譚姓地 創建 道光壬午水毀 僧慧照移建 高處

廣會山庵 五區 南源 冲僧息浪建 喻禮也爾王捐有田 山嘉慶乙亥僧雲峯重修

聚雲庵 五區 虎塘 源頭 冲邑人何士英等捐建 并置田 道光乙酉何涵宇後裔重建

碧雲庵 五區 謝溪 易聖傳捐建 石雲庵 五區 岐裏 棋子嶺 乾隆

秀發庵 五區 范塘 水口富春橋側 萬壽庵 范塘東 阮廖星建 道光丁未修 有田產

白石庵 五區 小溪 冲嘉慶中僧慧瓏改建 永興庵 五區 上菱 蕪劉家園 以上九庵新輯

九華庵 六區 皂山 明通判喻濟時邑岸之望建 福隆庵 皂山 觀音堂 後久廢 明通判喻子良倡建 舊志

剩沙庵 六區 高村 凉阮即福興庵 乾隆癸卯李姓重修 西竹庵 六區 羅城 殿即西竹禪林 明代周靈馨建

紫雲庵 六區 藏溪 喻草池建 護龍庵 六區 塔村 水口簡姓捐建

餘慶庵 六區 岐源 水口楊特峯捐建 半山庵 六區 萬祝寺東

迴龍庵 六區 盧洲 一名竹隱寺 西為妙悟精舍 觀上盧姓捐建



雨化庵 盧洲盧慎凡建族人重修 以上八庵新輯

觀

九仙觀 治東建城坊唐大和六年開創元道人黃竹關修真於此明正德間燬道童鄒冲應募辛潤重建正殿增立石

門邑人彭澄書額官內三清殿玉虛宮左三元殿殿後觀音堂前石坊門外大塘一坵塘腔四圍園土俱觀內業觀後園

土長二十五丈廣二十丈建安福地廟右店房四榻并基土安仁坊大井頭右邊店房四榻基土橫直二丈三尺殿宇久

頽眾姓捐銀起息康熙庚寅重修嘉慶間續修道光辛丑邑人鄧發選出金數百倡借易朝宜易錦貞辛步周鄧和慶張

秀彥鄧理保等捐募修造內外一新并置田五百八十五把

湯周觀 二區湯周山即峯頂山晉湯周二仙修道之所宋乾德三年道士劉大邦改名紫微觀奉二仙香火元至正庚

子道士洪範重修仍名湯周二觀俱本舊志

舊志邑南百五十步崇信寺唐斷際禪師開山後改廣慧

寺 奇圃曜靈觀西晉道士楊昌言開山明洪武時建有

混元經閣 獅巖大和觀西晉道士廖虛谷開山 五雷

山逍遙觀唐道士陳若水開山 小溪源仙溪觀宋道士

甘溪碧開山 清泉山延壽院唐斷際禪師創 排江崇

道院唐僧月仙創 禮山淨信院宋僧理容創 青背下

法會院圳上法界院禮山回興庵並宋僧介庵創 藍山

小淨安院宋僧應夢創 嶺東普薰院宋僧喜昭創 黃

荆埭瑞相院宋僧嗣覺創 集賢坊圓明庵元尼慧慶創

及半嶺上軒庵 明邑人龍泉字建 龍江廣濟庵 邑人辛璿建崇禎九年邑令率屬募

修 西關外祝聖庵 邑人辛元輔建 紫蓋山後桃林庵 明鄉人重建 昇山



下崇聖庵

明鄉人建

箬阮海慧庵

僧別瀾鼎建

義龍庵

僧義明創建

東關

外三元閣

明按察使彭自新創建

月臺山文昌宮

邑令陶大邦建

喬居鎮龍

庵

張紹渠紹齡建

今皆廢

嘉定志又有小薦福院在邑東二百步舊名靈巖有清修

院薦福院明真院在邑東鄉禪定院智覺院在邑南鄉法

喜院聖安院廣梵院顯寧院梵化院真如院崇聖院在邑

西鄉上法會院淨土院法雲院永慶院惠覺院寶林院在

邑北鄉明真院在邑東南鄉悟真院小延壽院在邑東北

鄉無垢院樂安院在邑西南鄉崇覺院定照院清修院龍

隱院真空院護法院在邑西北鄉今並廢

附塔

文明塔

在南門外三元殿側乾隆十七年監生易瓊等捐建教諭魯鴻記道光六年易瓊子孫重修 參府志

來秀塔

在五區白良蚌山嘉慶十四年職員袁建序邑庠袁師亮李世勳教有義等捐貲倡鄉眾合建有記



萬載縣土著志卷二十九

藝文上

表

謝封康樂侯表

宋 謝靈運

昔強氏暴虐恃僭歷紀既噬五都志吞六合遂陷沒西河傾  
 覆南漢凌藉紀郢跨越淮泗於時策畫惟疑地險已謝咸懼  
 君臣同泯有生無餘亡祖奉國威靈董符戎重盡心所事克  
 黜禍亂功參盤鼎胙土南服逮至臣身值遭大路日月改暉  
 榮落代運輸稅唐化生幸無已不悟天道下濟鴻鈞曲成迺  
 眷遐績式是興徵分虎紐龜復顯茅土鳴玉拖紱班景元勛



澤洽往德恩覃來允永惟先蹤遠感崩結豈臣尪弱所當忝承臣聞至公無私甄善則一皇恩遠被殘代可侔是以信陵之賢簡在高祖之心望諸之道復獲隆漢之封觀史歎古欽茲盛美豈謂榮渥近霑微躬傾宗殞元心識其會酬恩答厚罔知所由 采謝康樂集補

奏疏

劾石亨疏

明侍郎 郭 瑾 邑進士

謹奏為糾劾事臣忝司刑不容縱奸竊照武清公石亨者起自布衣遭逢盛世托以股肱授以兵柄第宅富擬於王宮金帛疊出於內帑寵榮罕比際遇非常為石亨者正宜披肝摠膽竭尺寸之微勞委身忘家圖萬一之補報豈期本官貌若謙恭而心實狡詐言似忠懇而行實乖違賄賂之門大開奔競之風盛起無功之人妄報有功而當陞無才之徒偽舉有才而可用子姪食祿者數十餘人親隸居官者百千餘輩布列要路擠排善良中外寒心縉紳側目潛構指揮鄒叔彝來私宅而講論天文擅差指揮盧昭往河南而辦理家事差人出入邊關而不敢阻擋用勢占種官田而莫敢誰何與販木植於山西而貪得無厭寄養馬騾於邊衛而擾害多端罪惡貫盈法典難宥若朝廷不加斧鉞之誅則奸臣益肆跋扈之心臣亦不忍同朝而坐視其奸也伏望皇上處以大公斷以



萬軍集上者志 卷二十一  
大義防微杜漸據法行刑乞將本官拏赴法司明正其罪以懲奸欺則臣民幸甚天下幸甚

按雷禮明列卿傳有司寇本傳竝載官給諫時條陳六事較諸採訪所錄尤足傳信當時辛少宰從京借抄寄局不知竟落誰手故仍存此

請籌兵餉疏

明巡按 周 燦 進士

題爲寇氛已迫敬陳兵餉急著以固疆圉事竊惟禦寇者禦之於門庭之外若待賊逼城下僅以閉門却敵外無救援內加細作鮮克久持楚省數郡之破皆中此弊前此荆襄麻黃與江右尙隔一水長江天塹猶曰有險可憑而今破武昌在

西江肩項唇齒之間不啻剝膚矣此時急作門庭之計上自袁吉下自九江皆賊充斥之路九江近設總督重兵雲集可以恃而無恐袁吉一帶如萍鄉之接醴陵萬載之接瀏陽永新之接茶陵處處須防而萍鄉尤爲第一門戶賊過岳陽一步則萍鄉危矣萍鄉不守寧但西江之患南則百粵八閩東則祁門常山將有不忍言者今日守西江卽所以守閩粵守徽浙也兵單力寡決難捍禦亟須精兵一萬分布萍鄉萬載永新三路統以遊擊二員不獨畫藩而守且與湖南彼此角犄互壯聲援賊往武昌去巢穴益遠四面受敵若大兵會約淮皖應諸兵從九江而上更調虔粵諸兵從袁州而進會合



長衡承諸兵從岳陽而下水陸合湊上下夾攻滅此朝食此其時矣但兵興糧隨前此西江無事則西江之餉解京解楚總為寇而解今日西江有事則留西江之餉養西江之兵亦為寇而留守得西江不為楚省之續則兵餉皆為有用亦不至如楚省委之逝波呼吸安危司計者當不待其言之畢也臣謹會同巡撫江西右僉都御史郭某巡撫南贛右副都御史林某合詞上請伏乞勅下戶兵二部準臣等所奏或募或調湊兵一萬計哨官隊長什長教師等項每歲約食餉八萬有餘懇祈準於本省練餉內動支至於遊擊二員一切廩餼心紅紙劄與添設營房等項不敢擅動正額容臣等與地方

有司商酌另行設措庶使軍容壯而士卒鼓進足以攻退足以守西江安而閩粵徽浙五省俱安誠今日東南半壁救時之急著也

采府志

敬陳聞見疏 時官河南道御史 國朝侍郎 辛從益 邑進士

為敬陳聞見仰祈

聖鑒事竊維州縣為親民之官官廉明則政清而民服我

皇上肅清吏治慎簡賢良凡方面大員固多奉法兢兢潔已率屬

而州縣每有不能嚴防吏役勉飭清操者 臣 籍隸江西職忝

言官謹就告養回籍後見聞所及敬為我

聖主陳之一書吏貸銀結交官府宜禁也查書吏中惟庫吏尤



與官親近錢糧多經其手凡官未到任以前駐省既久費用必乏輒有黠吏貸與多金先行結納官感其惠到任後卽令承充庫吏從此有求必應招權納賄難保其無所有一切翫法侵帑情弊必由於此 一差役橫挈平民宜懲也查州縣中有差役串商家人出票挈人私押班房者往往並無原告祇係差役捏名報賭而所挈數十人多係農人力耕起家並不解賭或乘農忙之際或當除夕之前沿村訛詐強取穀石牲畜充伊飯費及僱轎之費甚至生員亦被毆辱又有因路斃無名男子卽借命案爲名妄挈平民輒逾數里及十里外凡小民殷實之家指爲鄰佑管押取錢者此等均宜痛懲

一保甲捕緝宜整頓也查保甲以稽察奸宄捕緝以嚴緝盜賊二者相爲表裏今州縣各鄉設有保正並不挨查煙戶至有豪猾窩藏竊匪往往農民夜失牛隻曉尋踪跡輒在其家而窩戶公然苛勒事主贖錢始還原贓者鄰里畏懼不敢舉發互相容隱保甲之廢可想至於捕役一項臣回籍十年每聞各村莊屢有被竊之案並不聞有緝獲追贓之事而捕役多鮮衣肥澤其爲豪賊縱弛可知 一大員過境供應宜省也查督撫司道俸入優厚旅費一切諒能自給原不必州縣供應今州縣於他省大員過境沿途皆有傳片知會遞辦供應至大員之家眷人等分作二三次到者州縣亦一體供給



取媚他境如此其在本省管轄上司尤不待言 一衙署不  
宜攜帶多人也查大小官員簞簞自飭均宜儉以養廉若食  
指繁多焉能成儉今州縣署中家眷官親幕友家丁廚役人  
等竟有多至八九十人及百數人者養廉所入焉能供給若  
非侵挪庫項必係濫取於民 一家丁挈眷外駐非宜也查  
外省各員隨帶家丁原宜在署服役今州縣中有聽家丁在  
民間租房娶妻并久住者迎親之日宴席盛設至有紳士希  
其奧援書寫對聯具送賀儀并挈伴冠服往賀殊爲乖廉恥  
之風長招搖之路 一吏胥服色宜辨也臣查京城及各省  
衙門在官人役服色俱止用元青而江西省州縣吏胥竟多

有用紅青者至宜春萬載二縣近數年來諸捕快皂班莫不  
狐裘黃黃袍褂均用細毛以致皮貨爲之騰貴至有周身表  
裏俱係綢緞此皆朘削民膏所致宜加裁抑使知斂戢 以  
上數條皆臣見聞所及不揣冒昧伏乞

皇上勅下督撫嚴飭所屬州縣凡有書吏貸銀結交官府差役橫  
竿平民以及保甲隱奸捕緝縱賊并州縣供應過境大吏浮  
費隨官人數過多家丁在外租住民房吏胥服色踰制者均  
嚴行禁止違者叅辦則政體益肅而閭閻益安矣再各省設  
立學官月課久不舉行有師生之名而無訓誨之實士習文  
風更難望其整飭所關非淺請宜



勅下各省學政實心董率以昭風厲而崇教化臣管窺愚見是否  
有當謹奏

請飭查詳審以杜徇庇疏

時官掌四川道御史

辛從益

爲請

旨飭查詳審以杜徇庇事伏查長蘆掣鹽法碼加增勦兩滋弊一  
案欽奉

諭旨查有圻等八綱總均著解任質審其校兌法碼之工部主事  
黃遐前任戶部郎中現任天津府知府張大維均著解任歸  
案質審欽此仰見我

皇上肅清鹽政釐剔弊源務歸確實至意臣伏思此案法碼之弊

無論在部在商旣經奉

旨審辦則工部鑄造時凡經手校兌之員俱應解任質審臣風聞

大學士勒保之子現任工部虞衡司郎中英奎當鑄造法碼  
時伊卽在工部爲司員掌印監造則英奎自應解任質審乃  
英奎旣未經

奏請解任而勒保隨同王大臣審辦此案亦未聲請迴避頗滋  
外議恐難保無瞻徇情事似應請

旨飭查將英奎一體解任俟黃遐年張大維到案時一并交部質  
審并令勒保將因何不聲請迴避之處明白回

奏臣又思法碼鑄造雖由工部其鑄前定式及鑄後頒發必由



戶部此次查出私增勛兩若係工部果有弊混則戶部亦不能無弊其戶部經手之員似不便承審此案自應一體迴避  
臣風聞派出承審司員係戶部司官瑞弼及寬寧此二人皆曾任戶部山東司查山東司係鹽課專管其法碼定式必由該司校發而寬寧於十二年鑄造法碼時即已任山東司掌印郎中今此案即係二人承審亦難保無扶同迴護似應請旨將此案

勅交王大臣另派司員秉公詳審以成信讞  
臣愚昧之見未知是  
否謹奏

請申明囤積之禁以昭平允疏  
時巡視東城掌四川道 幸從益

為請申明囤積之禁以昭平允事竊惟米商固慮其居奇糧食亦資其轉運米鋪之盈虛亦間關生計所關也況京城為四方士民雲集輻輳之區尤宜使米糧流行民食充足  
臣伏查例載五城各鋪戶所存米麥雜糧等項每種不得過一百六十石逾數囤積居奇者照違

制律治罪又載若非囤積居奇係流通糶賣者無論米石多寡俱聽其自便不在定限一百六十石之例於立限嚴防之中寓揆情變通之意務使商民兩便法良善也竊見五月內步軍統領衙門奏挈獲私販米石及鋪戶囤積米石過多之案業經奉



旨交部審訊并准將查出之米總數一萬三千餘石交五城減價糶賣仰見我

皇上廣裕民食嚴抑奸商之至意臣伏思所奏各鋪戶有囤積而

兼包送私運者有未包送私運而但囤積者有雖逾一百六十石之限而按之定例未可概指爲囤積者既難一律科罪況查所開各鋪戶米數有未至一百六十石亦指爲囤積者如西直門義盛之一百五十石零聚成之一百四十九石零慶長鋪之七十六石零裕源鋪之五十九石零皆米數未滿例限又並無包送情節乃一概指爲囤積奏請入官似與定例不符且京城各處米鋪甚多其存貯米數過一百六十石

者正復不少何獨於廣渠西直東便三門之鋪戶米數未滿例限者轉指爲囤積概請入官糶賣若以該三門曾有包送米石及賣米出城之鋪遂將凡在三門附近者所囤米數無論多寡并無論曾否包送概請入官則玉石不分恐亦未爲平允請

旨勅下刑部訊明各鋪戶如實係包送販運米石出城及知情賣米出城者無論所存米數多少概行入官變賣以儆奸商若未經包送及知情賣米出城者仍查照百六十石定限定例訊明是否囤積現在流通糶賣與否分別辦理若既無包送情弊所存米石又不滿例限者奏請省釋免其入官庶平允



昭而定例符矣臣又伏思行貨曰商居貨曰賈市賈廣囤貨物勢所必然今米商既經開鋪糶賣其所儲之米原非倉卒可盡縱使存儲米數累至千百餘石囤多賣少亦無不自命爲流通糶賣者其如何方爲流通而非囤積之處請

旨飭交戶部詳爲區別明定規條曉諭各鋪戶使咸知警惕遵守即審案亦易於判決臣又風聞各城門兵弁近因挈獲運米出城之案查禁甚嚴至有城外貧民入城買米不獲攜升斗以出者懲羹吹壘未免過當請

旨勅下步軍統領衙門轉飭各城守遵照十五年御史興奎奏准之例凡細米一石以內聽其出城不得禁止以仰副我

皇上軫念窮黎一視同仁至意臣愚昧之見是否有當謹奏

請飭督撫勿延擱賊報疏

時掌河南道御史

辛從益

爲請飭督撫勿延擱賊報事竊維邪匪猖獗固由州縣平時不能弭賊臨時又不行早報所致然亦有地方已經稟報而督撫過於持重不即發兵掩捕者聞昔川楚邪匪滋事之前有州縣曾經稟報上司而上司斥爲不曉事體因令其留省

閒住不遣回任於是州縣相率諱盜不報以致賊匪滋熾即如今年邪匪滋事肇於山東之金鄉縣臣風聞該縣紳士於

六月間以邪匪聚眾密揭教官教官詳稟學臣張鵬展其時金鄉縣令在省辦案聞風懼經學臣詳問該縣情形屬實



卽飛咨撫臣同興比撫臣會商時猶以教官黨護秀才挾嫌捏控爲疑未肯卽行遣捕經學臣力爭以爲此事勢無兩立如果係邪匪聚衆謀逆豈可不辦倘並無此事而紳士挾嫌教官黨護則應治紳士教官以誣良之罪撫臣同興感悟乃允發吏卒掩捕因得究出首逆林清臧伏附京近地得以迅速查辦是該撫當該縣教官稟報時尚無捕賊之意反疑地方教官紳士爲誣告若非張鵬展力爭則金鄉已難保無滑縣之事幸同興終能舍己從善耳其初見則未免過於持重也臣恐各省督撫遇地方報賊之案遲疑不決以致坐失事機者不少夫百姓食毛踐土世荷

聖朝覆載生成之恩聞有邪氛孰不思告官捕緝以安桑梓惟是民望官以捕賊而官又望上司之助其捕賊若督撫聞報遲疑不發甚至斥州縣爲不曉事紳士爲挾嫌則州縣自審兵微力薄上司不爲救應恐轉誣以激變良民之罪於是雖有賊匪而不敢輕捕并不敢輕報良民知官之不肯捕賊也雖報賊而地方或指爲誣良轉恐與賊匪結讎遭其荼毒亦孰敢輕於首告乎是養癰貽患雖州縣諱盜之罪亦或由督撫有以致之臣伏思賊匪起事之初黨羽必少地方官一有所聞速行掩捕自可一網盡獲縱其中或有冤誣不難於鞫訊時分別開釋亦何必過於持重以致釀成大害如上年江西



龍泉縣邪教滋事撫臣先福聞報卽帶兵立時撲滅所誅人數無多而邪匪立淨此督撫聞報逮捕之效也今言事者多以諱盜爲州縣罪臣愚以爲州縣諱盜不報上司之叅劾尙易而督撫聞報遲疑下情之仰達爲難今三省仰厯

旰宵指示諸將連獲勝仗殲戮賊匪幾盡賊無蔓延誠天下蒼生之福惟是善後之策不厭周詳請

旨特飭督撫嗣後遇州縣有邪匪聚衆之報卽一面飭令該州縣速發吏卒或移會鄰縣掩捕一面卽帶兵相視情形馳赴策應勿得過於持重遲疑不發如此則州縣易於捕賊百姓易於首賊矣加以修武備嚴保甲廣教化勿有名無實毋始勤

終怠化莠安良庶邪匪無所潛踪而百姓安居樂業億萬年永享昇平之福臣賦性樸昧職忝言官不能仰裨

國家萬一然不敢不竭愚忱謹奏

請飭督撫詳慎甄別疏時掌河南道御史

辛從益

爲請飭督撫詳慎甄別以澄吏治事近奉

上諭外任官員較之京員職守尤專著通諭各督撫先將所屬藩臬兩司詳加察核其道府州縣丞倅佐貳以及候補人員著名督撫督率藩臬兩司公同甄別仰見我

皇上整飭官方至意臣竊惟國家設立督撫卽古者咨牧分伯之義責任綦重天下廣輪之大州縣之衆吏治之賢否得失豈



能一一周知故於封疆大臣寄之耳目俾藩司以下聽其舉劾以爲黜陟今欲澄汰衰庸非督撫之責而誰臣伏思外省甄別與京員不同京員雖由各堂官甄別而耳目甚密稍有徇私之弊難逃

皇上洞鑒至督撫所居距京師千里或數千里地方所轄遼遠文武歸其統屬司道以下平日鞠躬屏息唯唯聽命至於州縣職分卑微其中縱有枉抑下情未易上達若果係公忠爲國明政體達時務之督撫則凡所甄別自係中正無私舉一人而屬吏知勸黜一人而屬吏知儆不然者居心未淨所識又偏權勢既尊操縱甚易或徇私容庇或任性乖張則必有貪

緣奔競之徒請謁營求希免叅革恐所謂衰庸者不果衰庸而真衰庸者反倖逃吏議也夫年力衰頽一望可知自難欺於衆目若夫才識之平庸與人品之卑庸則有未易悉者衰固宜黜庸尤宜黜倘其才識人品果庸或姑息養奸或遲延廢事或審斷迂謬或徇縱書役或希就安逸或妄肆營求如此之員年雖壯盛在所必黜倘其人年力雖老而志氣不衰辦事勤敏老成練達是固不可謂之庸亦不可謂之衰原不應入沙汰之列總在督撫公明簡別而已且督撫之好尚各殊斯其所甄別亦異剛決者喜果銳則必視安靜之吏爲庸鈍矣明敏者喜圓通則必視慇直之士爲庸迂矣甚至以利



口捷給者為才因以厚重少文者為庸以供應承順者為能  
因以趨迎簡拙者為庸豈知州縣有當切責之處亦有當體  
恤之處如案件之繁久懸不結錢糧之重宕延不交盜賊多  
而不勤於捕緝胥吏擾而不嚴於約束保甲廢弛奸宄潛滋  
此宜加切責者也江浙多民欠而官墊為難漳泉多械鬪而  
官辦不易江蘇有慣鬧之漕收福建有難銷之鹽課倉庫之  
虧或由前任軍需之蕩豈無分攤此宜存體卹者也一刁民  
上控而本官逮訊并人證牽連委員轉輾催提供億連月案  
未審而官已困矣加以大員過境餽送為勞家丁陋規婪索  
未免又或上司代人託銷書籍書未到而價先付囑薦幕友  
幕雖劣而俸必捐若此之類不可勝舉其應命者為能員不  
能者則為庸吏矣倘以此而令加甄別其徇私任性不問可  
知其或自恃公正過為刻覈接見屬員動加呵叱州縣震恐  
駭汗詢以公事不敢出聲倘一概目之曰庸亦恐下情未通  
而所謂庸者非真庸也臣愚以為督撫大吏必先有公忠體  
國之心持廉法之大綱略趨承之末節務辦事之勤能責安  
民之實效揣時地之難易量才分之優絀而又常存敬慎之  
心然後可以甄別人才恭惟我

皇上肅清吏治慎簡大僚各省督撫久在

聖明睿照之中諒無不公正廉明勉圖報稱准是敬慎之心刻不



可忘故書稱克艱孔子言爲臣不易倘督撫自恃公正廉明而不加以敬慎則甄別之際必有流爲徇私任性而不自覺者其在藩臬司道於督撫雖係屬員而接見常親已難保無愛憎之偏至於州縣以下微員尊卑濶絕甄別之際尤易任性夫能爲天下生民黜庸吏者亦能爲天下惜人才請旨飭下各省督撫甄別大小官員務存詳慎則吏治清而官無曠職亦無廢才

國家長收臂指之效海宇永享安謐之庶矣臣愚昧之見未知

是否謹奏

請飭查兵丁橫挈平民子女疏

時官吏科給事中

辛從益

爲敬陳管見仰祈

聖鑒事近日凱撤兵丁帶有幼孩來京仰蒙

聖恩令大臣查訊如係逆犯子孫交部查辦若平民子女令原帶

回之官兵妥爲收養仰見我

皇上仁至義盡體恤周摯之意

臣伏思從逆子孫必須查明按律

辦理以彰國憲而快人心且使梟獍餘孽不致留遺近地以

清首善之區典至肅也至平人子女當兵燹之後蹂躪餘生

經官兵招呼有情願跟隨託命者有迫於勢而不敢不從者

卽使管兵大員紀律嚴明兵丁不致橫挈平民亦必有此二

種若管兵大員相距稍遠兵丁等搜索村莊強挈平民子女



高書原上卷之二十九  
五  
恐難保其必無臣思此等幼孩尙非無著流民不過因兵馬  
匆促父母兄弟不能相保以致流離散失大兵已過各有村  
落宗黨可歸若地方安靜之後

皇上撫恤難民而此等幼孩之父母生歸故里思念子女不無悽  
惻可憫卽或此等子女之父母兄弟俱已不存而伊祖宗廬  
墓僅賴此一縷之延又不能歸里繼守亦屬可矜且幼孩年  
穉無知跟隨倖生長成不無後悔况倥傯之際玉石難分其  
中或有仕宦子孫逃散相從至於不延血食亦未可定臣仰  
體

皇上訓諭周詳軫恤幼孩之心再四思維若查明非從逆子孫並

懇

天恩飭各詢明居址村落發交該地方官送歸本宗以延嗣續亦  
可不致失所現在陝省軍功告竣若照此辦理亦免兵丁藉  
口收養強掣平民子女之弊是否可行敬陳愚昧謹奏

請嚴搜檢正文體疏

時官吏科  
給事中

辛從益

爲請嚴搜檢以別真才禁浮雜以正文體仰祈

聖鑒事竊惟科目憑文取士文章之醇疵眞僞卽人才得失所關  
也是以軋萬必刪而懷挾有禁近年以來京闈及外省辦考  
各官未免意存寬厚不肯認真樓檢臣風聞各省鄉闈俱多  
懷挾之弊士子有潛帶蠅頭細字小卷或場前預囑執事人



等帶藏闈中臨時密付並未經搜出者雖考官閱文至公而此等懷挾之徒徼倖獲中亦難保其必無至於三場疊試用覘學養三場中尤重頭場四書文

功令以清真雅正爲歸近來士子希圖詭遇往往擄摭僻書字句以炫新奇不顧題義如去年鄉試各省取中之文其平正無疵者固多而浮詭者亦不少如隱居以求其志三句題文有乘麟以理駕龍而游及金策書聖銀策書賢玉策書功等語於題殊爲廓落又如冉有曰旣庶矣兩節題文抄用鬻子東門曰虛南門曰堧西門曰疵北門曰側又用漢書郡國志注引帝王世紀夏禹之時民千三百五十五萬三千九百有二

十三周成之時民千三百七十一萬四千九百七十二等語雖出古書究於本題富教之義不切文體亦屬支離又如使天下之人齊明盛服三句題文云昔武王克殷使閔天進招華之桂於太廟使伯邑考進陽木之薑於羣廟使南宮達進九江之菌於祧廟按之題義俱爲漫溢且此數語未見所出惟近人所刻典制文琳註釋中有之稱係出尙書大傳臣查尙書大傳並無此語至於編造字句如山佩幾宮水佩幾羽詳深衣之度臣按公侯佩山元玉大夫佩水蒼玉見於玉藻

非深衣所有且左徵角右宮羽凡佩玉皆然不分山佩水佩又如哲相滌山裳臣按哲相滌裳古無此事古者山龍繪於



衣并不在裳若斯之類不勝枚舉此臣所見闡墨刊行之文也又如易經垂衣裳而天下治題文用東都賦盛三雍之上儀一段查三雍官名自漢朝黃帝堯舜時無之且原賦云盛三雍之上儀修袞龍之法服鋪鴻藻信景鑠揚世廟正雅樂而此文抄用因坊本注釋服字下有音訇二字連作為諧遂悞認為正文書為諧鋪鴻藻信景鑠揚將世廟五字截去又如禮記韭曰豐本題抄用多識於鳥獸草木之名題文俱經臣簽出此臣磨勘分卷所見之文也又近來士子爭效王廣心尤侗之文臣查王尤文體最為浮靡其運用故實往往換字縮腳幾如唐人鷗閣虬石之澀體費人猜想究其意義實為膚淺是以

欽定本朝四書文概不收錄今乃復取而誦習摹倣之科名既掇效尤滋多遂成風尚於是自慕其浮藻腹笥不足以至如臣所云剽取子史字句抄成蠅頭小本希圖懷挾或托人藏帶倖中者臣思言為心聲若故為浮詭以希速售文體不正心術可知矧又出於懷挾乎現屆會試之期天下人才萃於京師請

旨預飭典試分校各官嚴裁偽體務歸清真雅正其穿貫經史書卷紛綸者固宜取中亦必文從字順於題義實有發明至於二三場體裁雖無妨稍寬然徵引經傳總期於本題有關并



請

旨預飭搜檢大臣於入場士子衣服器用嚴搜外凡場中一切先進器具并運送夫役及書吏執事人等逐名搜檢又各考官及監試提調副都統內外簾各官之跟役鋪陳等項均照定例逐一驗明放入以免士子轉託藏帶之弊庶真才可得文體正而士習端矣再向例鄉會試之年不准條陳科場事務臣爲掄才剔弊起見合併聲明謹奏

請飭查書吏婪索解員銀兩疏

時官吏科給事中

辛從益

爲請嚴書吏濫索解員銀兩恭摺

奏聞仰祈

聖鑒事伏查本年三月間欽奉

上諭各省鞘銀解部自應隨到隨交若輾轉拖延難保不致滋弊竇著步軍統領隨時密查餉鞘一經解到派員押送赴部呈報勿令稽遲欽此乃近來餉銀到京雖經押送赴部而該部書吏必向解員勒索多金方准交收近有福建詔安知縣鍾斯唐領解餉銀十萬兩來京於五月二十五日到部投交該部書吏不肯收文謂每餉銀萬兩除應給飯銀及隨解常例外須給伊私銀四百兩今官餉十萬兩除常例外應給伊私銀四千兩方准交收鍾師唐無奈因臣係同鄉向臣告知臣聞不勝詫異竊意餉銀既經到部耳目衆多書吏豈能久行延擱



乃迄今日久該解員自派夫役晝夜守護不惟鞘銀未經兌交并投文亦未肯收是雖經押送到部而吏不准收仍不能隨到隨交且須晝夜防護刻刻不敢疏懈若非書吏人等實有勒索情弊何延至十餘日之久並不收納該解員鍾師唐之言似爲可信鍾師唐又云除伊解餉外尙有惠安知縣鄭鏜領解頭批餉銀十萬兩於五月十六日到部在伊前十日迄今亦未收交亦因爭論私銀之故是該部書吏拖延濫索尤屬顯然臣伏思解員領解鞘銀水陸數千里搬運照護一切人夫供贍所費不貲到部時諒無不急公投交以卸專責豈能復堪書吏稽延婪索至四千兩之多除臣所知之鍾師

唐鄭鏜外并聞有江西廣東解到餉銀亦久未收交恐書吏向解員似此刁難訛索者正復不少殊爲大干法紀請

旨飭下該部嚴行查問如果屬實卽將該書吏奏交刑部究辦以

懲貪詐臣又伏查收餉之事前經御史臣富勒禮奏准令該

部於收餉時知會江南道御史協同監收在案惟是鞘銀到部與否御史豈能刻刻訪查若但俟收餉時有戶部監收知會始行稽查則未收之先該部書吏向解員一切婪索舞弊之處何由周知故事前則無從覺察事發則與有處分臣愚昧之見請

旨飭令各省嗣後解餉來京除備文送部外并備文送江南道御



史令解餉官同時分投庶幾御史得以確知餉到日期行文查問稍有延擱卽行糾叅則書吏人等不敢延緩需索抑臣思解員所以多被書吏訛詐者惟恐兌銀時伊等能高下其手捏報虛欠也查解員例有本省帶來部頒之法碼請

勅令監收各官兌銀時務必親自秉公校兌庶書吏人等不敢藉

以恐嚇取財矣臣爲慎重

帑項起見是否有當謹奏

劾章邱知縣掌責生監疏

時官山東學政

辛從益

爲知縣掌責生監上司久延不結恭摺叅

奏仰祈

聖鑒事伏查學政全書地方官擅責生員聽學政糾叅又載有司撻責生員視同齊民殊非恤士之意今後生員如果犯事情重地方官先報學政俟斥革後治以應得之罪又載生員所犯有應戒飭者地方官會同教官將事由具詳學臣酌斷批准然後扑責如有任意呵叱擅自飭責者聽學臣查叅又載應戒飭之生員地方官擅自叱責者降二級留任等語臣推原立法之意優待士子正所以厚責士子使知自重也夫不詳學臣擅自叱責尙干吏議何況掌責詎有章邱知縣竇琛者專以掌責生監爲能狃不悛改臣於嘉慶二十二年十二月由青州回省路過章邱有生員周世儒劉紹宗監生李樹



富馬化龍等先後呈控該縣浮收錢糧無論新漕帶征概令每斗折交京錢一千四百文伊等因求減舊漕折數被縣官濫刑掌責百餘並鎖項銬手等語臣恐該生等包漕捏控面加盤詰同聲呼冤臣旋接見該令詢以曾否掌責據稱因伊等抗糧不服鎖押反出言頂撞故加掌責是該縣掌責生監業已自認不諱該縣旋以該生等抗欠錢糧辱罵官長補文稟知臣以州縣浮收生監抗糧罵官均干法禁但俱係一面之詞而擅責生監已屬不合當經批交濟南府嚴訊乃該府並不審結惟將生員周世儒等押學至不得回籍過年而所控浮收之書役人等俱逍遙事外臣旋行文章邱學令查該

生等錢糧曾否交清該學據縣牒稟覆周世儒等新舊錢糧俱於正月間完訖臣續據該生等呈稱新漕先完固不是抗舊漕懇減亦並非包今新舊糧米俱經如折數通完而冤不雪等語是該生等尚非敢於抗糧而此案至今二年未結經臣行文催審總以人證不齊為詞臣思該生等身遭凌辱方疊求申雪豈反憚於赴審至書役等係在官人役一呼可至何難集訊顯係因所控浮收事情重大藉詞拖案而該令竇琛掌責手滑旋於去年十二月有武生郭予燕赴臣衙門具控稱因遞呈違式值該令醉怒喝役用牛皮掌掌責二十該令旋亦以該武生酒醉遞呈肆口頂撞當即掌責二十等情



具稟是該令之掌責武生又已自認不諱亦經臣移交臬司  
委員審理至今未據詳覆臣伏思生員縱有不法亦應詳明  
學臣先革衣頂然後可施敲扑若所犯不至斥革亦當會同  
教官稟明戒飭今該縣並不詳稟輒擅自掌責待同盜賊一  
之謂甚乃至於再其毫無顧忌概可想見臣又伏思士爲四  
民之首所當養其廉恥加以禮貌則士亦顧名思義知自愛  
惜而不敢爲苟且之行以自別於齊民民知士之足重自相  
與慕效勉爲君子然後風俗之厚可不期而成夫爵位名器  
朝廷所以勸獎天下也生監雖微名器所關如係因罪被革  
則所責者罪人非責生監也若未經斥革動加掌責辱同盜

賊則衣頂不足爲榮學校亦不足重何以服士心而伸士氣  
乎臣奉

命來東兢兢以整頓士習爲務凡實係包漕鬧漕滋事健訟者經  
地方官詳到俱立行批革從不敢稍存姑息近年以來士習  
較前尙爲安靜而地方官待士如此其虐使皆相習成風則  
武健嚴酷之吏皆以凌辱紳衿爲能殊非

國家優待士子之意請

旨勅下山東巡撫將署章邱縣竇琛掌責生員及是否浮收并該  
生監等有無辱罵官長一并提審速結按律嚴究毋任聽原  
委之員因循拖緩以清塵牘事關州縣浮收擅責衿士臣今



萬壽縣志卷二十九  
按試已周正在清釐積案不敢再容延緩謹奏

論官理穀當流弊疏

時官內閣學士

辛從益

為敬陳管見事竊查江西撫臣毓岱近有籌議民間質借穀

石章程一摺奉

硃批細心妥為之總期有益於民貧富兩便方為至善也欽此仰見我

皇上聖慮周詳惟恐撫臣有未諳民情土俗者以愛民之意而或

成累民因期以貧富兩益臣恭讀之餘誠抃誠服臣伏查撫

臣原奏以推廣社倉成法為名因民間向有私開穀押者貧民得以物質穀以穀典錢其事甚便遂欲令官為經理庶勿

徒不得訛詐貧民不敢攔搶是其說雖曰調劑貧富其意實專為防護富民也然如其法不惟於貧民無益且於富民有害大凡官多一令即民多一累民間買賣典質緩急相通日用常行相安已久無論貧富皆知自計盈縮自趨便利惟其不關涉官吏所以相與無為也今無故官為經理欲照當舖之例勢必紛紛給帖則吏胥門丁紙筆飯食之費州縣年節之規名色疊出既稱富戶所取必多縱使州縣自守清廉尙知約束安能保後任之不踵事增索彼富民積穀雖多亦欲自圖安靜豈肯以富戶自居坐受官府之擾累其必不樂領帖者情也然官府既有給帖之令事在必行則不領官帖者



吏胥刁徒必加禁制必不准其典賣穀石則必有土豪市僧  
勾串書役慨然領帖以遂其壟斷之私官費既多索價必倍  
攬利必專轉使良善富民有穀而不敢典賣此其爲富民害  
者一也江西各州縣倉庫豈能盡實往時有借買補倉穀爲  
名向富民短價勒買者旣而并不給其值富民顧恤身家往  
往入銀代穀以求解脫今若使富民承領押帖則凡官倉虧  
穀必惟該富戶是求此其爲富民害者二也往時貧民乏穀  
向富民典買東家講價不定尙可求之西家典買之途甚寬  
故貧民便之今乃惟給有官帖者始可交易則其途甚狹轉  
使市僧領帖得以居奇坐制民食民以物質穀則昂其質價

與買貴無殊民以錢贖穀則多方刁勒使不能如限取贖此  
其爲富民害而因爲貧民害者二也撫臣又曰農民於新穀

旣登賤價售人迨春夏米貴所儲早罄欲令農民於有穀時  
赴富家質當其意蓋欲民毋賣穀而祇許其當以爲穀尙可  
取贖也此又不達民情矣夫農民當有穀時孰不思量入爲  
出除計口爰食外昏嫁日用一切亦欲賣錢使用凡典價祇  
可及賣價之半譬如時價每石可賣八百文如需錢八千使  
用則祇賣十石已足今若禁賣使典則祇得半價勢須出典  
二十石方足應用是使民無故而耗去二十石也將何以資  
朝夕又須按月加利則何如徑賣十石之爲省乎向來民間



典穀三年不贖則沒入其本其取息亦不過一分至二分而止無多至三分者今乃欲定爲以衣物典穀則每石加息穀三斗以穀典錢則每月加利二分五釐而又不得過一年之限過則沒入其本取息既苛限期又促斷難取贖是以二十石之穀止得半價甫及一年而盡沒之也其累貧民實甚臣所謂貧富交困者此也臣又思撫臣所以必給官帖之意爲恐穀押家被人訛詐及米貴時貧民沮米出境乘機攔搶也臣查此二者皆不常有之事遇荒歉之歲富民肯出穀典賣價縱稍昂貧民亦皆感悅惟其貪利無厭閉糴長價貧民求食不得始而羣起怨詈甚至搶奪者有之若夫歉歲阻米出

境原貧民不得已之計蓋江西諸郡山多水少產米既稀西隔大庾諸嶺川廣之米不通一遇荒歲惟藉本境之米以資生活若富商圖利裝運出境貧民羣起攔阻者有之蓋欲其賣與本境耳此二者皆因有穀之家爲富不仁所致非因賣穀而致然也總在良有司善爲勸導俾富戶毋閉糴苛索毋越境牟利并出官穀糴賑嚴禁強搶則米價自平民情自安並不關官之給帖否也若富戶藉有官給行帖居奇長價強行運米出境以致衆心不服激而生變則尤爲可慮臣竊意州縣中必有希圖添設當行可多收陋規者遂託言調劑民食懇懇撫臣入奏抑或有地方豪猾勾串吏胥希圖給帖開



行盤踞重利州縣受其朦蔽亦未可知要皆病民之事也臣

愚以為封疆大吏為治宜總大綱因民所利去民所惡買賣

一切宜聽其自便况現在民間典賣穀石本屬相安警人本

無病而投以藥劑必轉滋其害臣籍隸江西仰體我

皇上勤求民隱安富恤貧之至意見聞所及不敢不竭其愚忱謹

奏

論江蘇收漕章程疏時官江蘇學政

辛從益

為奏明遵

旨查辦情形并陳管見仰祈

聖鑒事近日江蘇撫臣陶澍奏請嚴禁衿棍包漕橫索漕規一摺

奉

上諭江蘇漕務疲敝已久閭閻每苦浮收而各州縣用度浩繁不

能不藉資津貼抗玩者即因此挾制以為控端必應力加整頓

務令兩得其平固不使不肖官吏婪索病民亦不容衿棍把持

藉端訐告著該撫移咨學政查察若拖欠較多實係有心抗糧

停其考試倘有仍前縱恣者該學政亦即查明斥革移咨該撫

審辦不得稍涉徇縱等因欽此仰見我

皇上慎重漕政肅清吏治整頓士習之至意臣伏思

國課理應早完凡食毛踐土皆所共知況生監讀聖賢書尤應

輸忠效順首先完納為四民倡乃至包漕抗糧勒索白規士



風頽敗至此良可痛恨臣向聞江蘇有此陋習臣莅任之初即出示嚴禁并於赴學講書及每郡發落諸生時逐加剴切訓誡誠其有開漕滋事者經地方官詳到無不批革發審茲復欽奉

諭旨彌切敬慎現在出示嚴飭各府生監俾知警惕并札飭各學教官查明欠糧抗糧之徒據實詳報分別停考交地方官押追甚者斥革審辦斷不敢稍存姑息惟是江蘇糧額本重豈堪浮收無節雖州縣之津貼自應調劑而閭閻之拮据尤宜體恤久予定額尙肆苛求竟准浮收必滋流弊况以偏重行之其弊將何底止臣莅任以來控漕者紛紛如蘇松等屬所

呈除淋尖踢斛外每米一石浮收自四五斗至六七斗不等改收折色每石自四千八百文至五千八百五十文不等查各屬米價每石不過二兩數錢誠如所控浮收已甚其中固有刁生劣監因包漕不遂希圖挾制索規然豈無實係正身糧戶因無力浮交情急上控冀稍減其數者今撫臣奏稱數年以來控漕之案無歲不有積習相沿藉控為抗仗訟分肥各等語意謂控漕之人即包漕之人臣竊以為未必盡然官之收漕必用書役官欲浮收勒折尤必委其權於書役書役性多貪狠自浮折全數交官外又必圖肥己橐不滿所欲必不給與印串官既授以權柄勢不得不聽其所為是官既浮



收吏又朘削不獨爲淳良小戶之害卽淳良生監亦受其累  
累之不堪遂致上控亦有不得已者撫臣又稱告漕之人如  
漕米未交亦當飭令完漕再予審辦此乃該省大吏現在辦  
漕章程凡遇控漕必先押回本州縣勒迫其意自爲清漕起  
見然此法一行在矜棍固宜知所警懼特恐善良之戶橫被  
抑勒永無申雪之日夫交漕已清誰肯上控其未清者非盡  
糧戶有心拖欠蓋亦有不肖官吏未滿貪囊多方留難使不  
能清交者所賴地方大吏細核情形催令斛收實有頑抗乃  
予押追庶幾不致已甚今一例發回押追地方官操縱在手  
恨其上控未免加倍抑勒既滿其苛浮之數又逼令具結自

誣方給糧串否則竟不斛收仍科以抗糧之罪蓋至糧清串  
給原告受困已深新漕又至豈能復求申雪是徒逼糧戶以  
浮交而無審辦之實也撫臣又稱因生監需索漕規地方官

費無所出因取償於淳良之小戶爲牽長補短之計臣伏思

書役貪得無厭遇事婪索小民是其常態縱無此等生監小

民之被苛徵亦斷不能爲之稍減總在州縣得人能戢吏安

民而已臣查近日太倉鎮洋青浦紳士各有公呈稱漕書蓄

養打手專毆控漕之人各等語雖一面之詞豈盡無因今縱

不能設法裁禁豈可張之轉令盛也夫生監身列膠庠其有

包漕鬧漕儘可革辦不獨學政卽督撫皆得徑行斥革惟書



萬事縣志卷二十九  
役爲州縣收漕倚官爲庇印串在其掌握倘違例加倍浮收  
無人敢控獨何法以懲治之臣在任兩年生監因漕案被革  
者多矣卒未聞書役有因浮收獲咎者則書役之權重可知  
撫臣又稱州縣果有浮收入已情事必當執法嚴懲等語臣  
以爲此說未必能行該撫既知州縣不得不浮收而許其浮  
收矣若又罪其浮收而加以叅辦此必無之事且州縣所浮  
收入已與否督撫又何從查知臣竊惟立法貴得其中誠有  
如

聖諭必兩持其平者且

國課本有定額而浮收并無窮期今如該撫所奏凡告漕者卽  
謂之包漕是旣予地方官以浮收之權又絕衆糧戶上控之  
路誠恐不肖官吏恃有此奏將來肆意橫徵逐年增長閭閻  
受害日深其流弊有不可勝言者夫劣衿固律所不宥苛政  
亦法所必裁伏乞

皇上飭下該督撫妥立章程毋使偏重務期衿棍蠹吏各有懲創  
庶幾漕政可清而淳良小民得沾實惠至臣職司訓士自當  
嚴切教誡隨時整頓斷不敢稍涉徇縱致貽地方官掣肘之  
嫌惟思矯枉勢必過正而創法宜防流弊管見所及不敢不  
以上陳謹奏

題本



題旌義門本

國朝巡撫 伊星阿 滿洲

爲秉公舉義懇詳請

題以獎善良以廣甄陶事據署江西布政使司布政使李承鄴詳請據袁州府知府高芝詳請萬載縣知縣謝袞詳准儒學教諭彭振東訓導李孚查看得里民周繼德同居傳及六世丁口蕃至百餘姜家之被常溫田氏之荆不瘁由茲九世同處將遇企乎張公抑或八葉同堂堪追芳於陳室一門雍和萬邑景仰紳士旣同詞而請敝學合遵例以聞並據查取世系事實理合造具清冊同族鄰甘結轉詳到縣卑職確查周繼德六世同堂委係屬實核對丁口亦屬相符並無虛捏合將

送到冊結詳請本府等情據此該袁州府高芝看得萬載縣民周繼德同居業經六世共爨已逾百人式好無尤雍睦之風足尙人言無間鄉里之頌堪憑於以徵

聖治之感興實可爲人倫之矜式旣符

旌典宜協輿情茲據該縣學查取冊結加具印結詳送前來理合具文詳請轉詳到司據該署布政使李承鄴查看得

聖治光昌海宇仰邇隆之盛

皇仁周浹閭閻稱樂利之休惟

朝廷之涵濡已深斯草野之雍和克著茲有萬載縣民周繼德者六世同居一門敦睦合炊煙於累代食德飲和聚丁口者百



餘型仁講讓兄弟則睦怡有序孫曾更繁衍多賢宜邀

旌表以樹風聲茲據該府縣學取造冊結具詳前來本署司查與  
例符相應詳請具

題請

旌等情呈詳到臣據此該臣看得會典內載

旌表義門有累世同居和睦無間者建坊里門題名忠義孝悌祠  
內等語茲據署布政使李承鄴詳稱有萬載縣民周繼德者  
六世同居一門敦睦合炊煙於累代食德飲和聚丁口者百  
餘型仁講讓宜邀

旌典以樹風聲造具冊結請

題前來臣覆查無異除將冊結揭送禮部外理合具

題伏乞

皇上睿鑒勅部議覆施行

議

籲天四議

明邑令 韋明傑烏程進士

一陳荒糧之苦看得本縣田糧自萬曆九年開丈十一二年  
再丈其時值巨盜李大鑾嘯聚黎源等處地方附近七八十  
里莊佃俱為撲追逃散一切莊主俱為究窩株連迨至盜戢  
民安舊佃無一復業新佃有難卒集而莊主磨貧又不能出  
辦牛種以致田產日任荒蕪國初版籍之田至今鞠為茂草



其有與巨盜地方相遠而亦多荒蕪者又因本縣界在萬山  
田地如樓如梯萬厯丙子年元冥作祟巨浸稽天山谷之田  
榛莽蔽翳沙石傾壓至萬厯己酉年懷襄之勢甚於丙子魚  
鱗冊籍盡爲河伯所收夫田雖隨水去而糧則以戶存土旣  
不毛徵復難貸民於是故土難安他鄉可適二三十年來逃  
亡相繼十室九空一望荆榛有不知係誰氏之田者及至徵  
糧荒者稱荒不荒者亦稱荒人人藉口莫可究詰又田地交  
易賣者因無冊籍利在速售減糧之多以爲少買者執稱有  
契樂其糧輕選田之肥以丟磽故買賣之後產去稅存紛紛  
相告無有寧日聽訟者冊籍消亡難爲定案相蒙之弊莫有

甚於此者卑職以爲荒糧不清民欠不知其實而查荒之法  
不確藉荒之弊亦不少合無准其開丈將真正荒蕪田產原  
在某都某畝仍丈歸某都某畝另別爲上中下荒糧田冊漸  
召開墾且寬以三年緩其租賦其有不可以人力墾者存爲  
欠數項下不灑派於本畝則人無田磽賦重之苦另存荒於  
本甲則畝免盈縮不定之愆庶真正荒田有所確據而中有  
以熟作荒或半荒作全荒而通同爲奸者不得藉口田荒而  
恣其狡猾拖逋矣

一陳絕甲之苦看得本縣一百零四里卽是一百零四畝國  
初丈量分在城爲東西二隅在鄉爲懷舊鄉萬載鄉進城鄉



歐桂東鄉歐桂西鄉共五鄉後乃分爲六區二十四都都統  
畝畝統甲每畝有十甲而在城則謂之坊長在鄉則謂之里  
長居里之下則謂之甲首以坊統里以里統甲大小相制居  
平則講信修睦當官則勸納催輸中有變易名字淆亂簿書  
者法則有禁制甚善也然歷年既久糧則一定不虧丁則旦  
夕消長且業主滄桑屢變人戶星散流移法不弊而時弊法  
弊則全革其法時弊則但理其時今一甲之中有糧多丁衆  
者有寥寥二三丁者甚而有丁絕戶絕者卽有丁未盡絕而  
存一二子遺錢糧則無勻合者里長名號猶存每逢徵比之  
日承催無人勢必委之差役差役無從覓戶第以一二殘疾

病廢之人輸值應比肩輿廝養冒名當差牧豎乞兒頂差塞  
責而田連阡陌富豪有力之家詭入別都別甲藉口寄糧人  
戶不得與本畝之民分任差徭反坐享餘閒致有司莫可詰  
問錢糧何時得清而窮民何時脫苦乎此正所謂按圖索驥  
刻舟求劍時窮而法亦宜變者也卑職嘗繹糧里之名冠糧  
於里係里於糧義實相因有糧則有里無糧則無里可知也  
今繫累鞭笞以應官司之限半多無田無糧貧弱殘疾之人  
其能造頑逋有力之家使其糧之必完乎又有一種積年光  
棍借里長爲名包攬催徵代充比較日爲科斂使費那侵錢  
糧與衙役保歇表裏爲奸則又與於貧弱殘疾之甚者也合



無於每畝無糧里長盡爲免其差徭酌以本畝錢糧數多人  
丁繁衍者令其繼絕其有一甲之中丁盡戶絕全無里長卽  
以寄糧人戶承頂以今日之姓名補版圖之鬼錄或三年一  
審或五年一審與時上下隨糧變遷第於原初里長戶下明  
著某人承差某人共役庶籍定之民不必逃戶寄糧之戶不  
得躲差以紓困窮無賴之苦以清積逋隱匿之奸以杜攬納  
那侵之弊或亦興滅繼絕設法追徵之善術也况此中舊例  
一切解司錢糧及南運皆係里長起解今改爲官解別無他  
役繁苦止爲值年催糧自是富民有田有糧者往役之義卽  
如卑職浙中先年審役每以殷實富民僉充後條議均田每  
若干畝當一里計畝均役間亦田有肥瘠兼帶殷實如市民  
則全論殷實矣此中風俗不甚相遠獨不可做而行之乎至  
如異府異縣隔界之民僑居之衆或有買田於本縣者客戶  
難追屢年不楚急則逃居原籍動費關提當於土著之外另  
立一戶於各區之末卽審立客長嚴催不惟有以示別主客  
不至混淆尤可防他日冒籍求榮之弊也

一陳加派之苦看得本縣山多阪少土瘠毛微百姓至貧甲  
於江右蓋以高山爲田與他邑平洋者異田廂山巔如屋之  
樓如登高之梯際晴易涸過雨易潰與他邑陂塘蓄洩者異  
最下者多居阮沖四山覆壓陽照不長陰多冷風與他邑暄



霽照被者異塍斜坎峭層累而上力作艱難與他邑片段易耕者異產穀多鎗米無什三與他邑斗穀半米者異本縣佃民多係撫瑞等府寧州上高新昌等州縣雜以閩楚易來易去牛租兩無所恃與他邑土著自耕者異佃民孤處窮谷形影相弔賊至無援水旱饑荒牛種盡於剽掠致多棄佃遠徙與他邑井煙稠密出入相友守望相助而田不拋荒者異一衣帶水僅通瑞河秋成糶賣稻穀適當水涸又阻於上高高安浮橋以時啟閉舟楫爲難商賈罕至與他邑河大水深商艘市舶鱗集相望者異本縣之糧國初以鄉三斗卽九升疑爲三官斗折半成賦計田六畝科米一碩與他邑二三百畝

五六十畝少亦二三十畝科米一碩者異卽如袁州一府其賦重則三縣與萬載同而歷數前欵其民疲則萬載更與三縣異迄今本縣各鄉之田如白水書堂潭埠鐵山界瀏陽界首等田有送人認糧而不肯受者以此思田田可知已以此思糧糧何得不欠乎嘉靖年間耆民高儼等詣闕奏聞袁州科派獨重奉旨永不加派雖經勒石儀門無奈事遠年湮未幾而星子峽江等縣沙塞之田糧派入萬載夫他縣沙塞以萬載爲任苦之區萬載沙塞將安歸乎繼而新增各祿三色榜紙門殿陳設協濟楚省及遼餉等項加派日至愁苦日深天啟年間撫按兩臺疏題萬載高安等縣上疲應減免遼餉



而昔者高安何以上疲得免萬載何以上疲獨不免今者高安以上疲得量徵萬載何以上疲獨全徵同一奏章而恩波特外共爲羸弱而豈澤偏枯況今每畝三釐之加又不免矣將何以出一方於湯火乎卑職草議甫畢奉有部文獨將卑職首坐降級戴罪實以預徵四年分新餉全未有解倍加叅罰夫元二三年分舊餉尙逋欠以數千計必欲以預徵及額此萬不得之數也其奉公紀錄各官內開催科尙緩那諸存留期會未遑半絲稱貸是已如萬載者庫藏如洗有何存留鄉紳富民正額不足從何稱貸卑職一官不足惜苦此一方民痛上加痛其誰能堪此合無申請奏聞立賜減免兼准緩徵得比於高安昔年免派之例自今以後年徵一年但得如額完解卽不待預徵亦不至積年逋欠矣

一陳賦重之苦看得萬載邑居山谷旱澇不常十無一稔田磽賦重甲於江省勒石永不加派所從來矣歲久事湮差日繁而額日增比之他郡邑積漸至倍民有殫其力之所入不足以供賦稅者而且困於李大鑿之兵火丁亡戶絕有田無人而且困於丙子己酉之洪水砂塞石陷有糧無田如書堂白水鐵山界瀏陽界黎源等處百里人煙鞠爲茂草糧額虛懸里甲空設於是逋負歲積官罹重罰民苦流移自萬曆四十七年以前已爲撫按兩臺所軫恤題准上疲七分免三矣



不謂東事倥偬行派遠餉不照畝而照糧加派至五千七百九十七兩彼時山僻寡援下情難達屢經築舍控籲無門遂一任其加莫顧其後既不得與高安共荷免派之恩亦不得與通省共依九釐之例重益加重苦益加苦而民之棄田不業逃亡轉徙者日甚一日至動色相戒率謂有田不如無田甚有送人承糧而不受者卽有田召佃土著人少皆藉高新楚瀏外人春利牛種秋收飽颺租入未半八口爲艱掾死不贍奚問追呼是本因瘠生情乃因情轉貧亦復因貧轉偷轉頑所以規避錢糧抗拒追比者不遺餘力每當比較通省有欠至數百兩者止交一兩二兩通省有欠至數十兩者止交

一錢二錢以鄉約勸諭之而不得以告誡董率之而不得以拏責懲戒之而不得甚則拶追枷追監追以盡法嚴處之而又不得一人如此人人復然一年如此年年復然民既如此士亦復然問其田則曰已荒也問其人則曰已逃也糧多挂欠者則曰我已完三分也五分也糧少全逋者則曰我從來不完也欠不獨我也誅之不可勝誅遂使慈吏無所行其勸相嚴吏無所用其鞭笞民實窮於力之無可奈何官亦窮於法之無可奈何不得不降之又降直以官爲殉其真能化瘠土而沃壤乎其真能起不毛而樹藝乎其真能呼哀鴻而還集乎其真能以紙上之糧盡爲實徵之賦乎其真能以智窮



力竭之百姓盡變爲急公樂輸好義之百姓乎則積逋如山實繇積弊所致固宜糧荒賦重交徵倒懸士民之匍匐上控者一而再再而三也今奉有新功令直省錢糧見壓不等預徵勒限五分責成如期清楚然額有輕重地有肥磽糧有荒熟卽通省亦多不等以極凋極疲極多逋之邑欲與土沃民淳糧輕派少者同科彼爲三釐此亦與之爲三釐彼爲五分此亦與之爲五分彼爲十分考成此亦與之爲十分考成其可得乎則如京邊遼餉自宜遵照七分免三之前旨而宗祿而南糧而協濟又不待言矣總之糧逋絲田荒田荒繇民逃民逃繇賦重申請丈量分別荒熟勢必缺額缺額必至攤派攤之一邑不無偏枯攤之通省難免聚訟自非憲臺軫念一方民苦轉申題請委官丈量照出荒糧作何議處或如峽江星子舊例攤派沙塞或如高安豐城近例減免糧餉庶疲邑有瘳而令茲土者亦得以展布萬一矣若夫三釐之破格寬貸南米之引例緩徵以及協濟之派與門殿陳設之派增自天啟七年者懇求奏聞豁免事在憲臺俯徇輿情斟酌調劑獨斷施行與爲空名之徵派寧爲實受之蠲除夫如是則官無掣肘民有甦息京邊常賦亦可以如期全完未必非公私兩全之術也



